

四庫全書

集部

欽定四庫全書

集部

陳檢討四六卷

十八至二十

詳校官侍讀_臣陳崇本

助教_臣常循覆勘

總校官知縣_臣楊懋珩

校對官助教_臣陳木

謄錄監生_臣汪綠

欽定四庫全書

陳檢討西六卷十八

翰林院檢討陳維崧撰

書碑頌記誌銘

上合肥先生書

載別旌門四更黨莢

見璿機賦

感知慕德泣更劇於地球

見鷹

序怨老嗟卑身竟同於燕石

唐李翔賦衆器器而雜處分咸嘆老而嗟卑闕子宋

之愚人得燕石于梧臺之東藏以為寶周客聞而觀焉主人革匱十重緹巾十襲客見之掩口而笑曰此特燕

石耳其與瓦甕不殊馳惶無地哽懼自天莊子哽而不止註哽咽又悲塞也譬之

越禽戀煩終思近日之鄉代馬衝寒恒有凌飈之氣見無

忝序人之情也能無嘆乎粵自南陽雉陳寶雞鳴見得

仲序日月炳乎八紘見璿璣賦乾坤奠其四極見佳山序恩波湛澌

北通弱水之邦書瑞氣昭回東被無龍之國見鄴園啟凡夫

稟氣靡不蒙慈獨有文人善於失職見園次序餘姚書佐見竹

逸序不無拾橡之時東觀漢記李恂餉遺無所受丹陽布

衣下或類翳桑之客見壽而崧薄劣猥荷帡幪杜詩薄劣慚真

隱揚子震風凌雨然後知厦屋予以吹噓長其聲價鄭泰

之為幘幘也註旁曰幘上曰幘

傳泰對董卓曰孔公緒清談高論噓枯吹生此則蚘毛

李白與韓荊州書一登龍門則聲價十倍

蝥翼悉藉生成枯木朽株咸歸雕飾

鄒陽上梁王書有人先談則以枯木

朽林樹功頌颺曷極銘鏤奚言自入中原於茲三載託

而不忘

貴遊之後乘廁幸舍之末行徧歷兩河頻經八郡百凡

風緒彌觸悲辛聊借叢談

見庭表序

以茲撫掌

見樂府補序

慨自

蛾飛玉塞蟻潰金堤

蛾飛見素伯序李白賦明妃玉塞楊巨源詩玉塞含悽見雁行註張

掖郡北有玉門關故云玉塞韓子千丈之堤以蟻穴而潰漢書王尊守東都河水浸瓠子金堤尊祀神許身填

之既七聖之路迷

莊子黃帝見大隗于具茨之下七聖皆迷雲笈七籤黃帝周遊以訪真道

令方明為御昌宇騶乘張若謬彥道焉昆昏滑稽從車而至襄城之野七聖皆迷

亦百年之運

替

見滕王賦

漢臺晉闕共廢壘以縱橫伊鼎姜璜並頽垣而

蕪沒

伊鼎見佳山序姜璜見吳太母啟

兔苑賦詩悵鄒枚之不作

見璿璣賦

吹臺縱酒盼高李以何從

陳留風俗傳浚儀有師曠倉頡城城上有列仙吹臺乃王

子晉吹笙處東京記吹臺側後有繁氏居之里人呼為繁臺師曠建梁孝王增築之孔帖杜甫從李白高適過汴州酒酣登吹臺慷慨懷古人莫測也

復奚言哉此固然矣若乃邯鄲為

遊俠之魁朝歌乃輕華之窟

史記邯鄲亦漳河之間一都會也古詩役使邯鄲倡

高適詩邯鄲城南遊俠子自矜生長邯鄲裏見子厚序
水經註朝歌本沫邑紂有新聲靡樂號邑朝歌墨子迴
車顏淵不舍按紂都此
漢屬河內今衛輝府
玫瑰作城西京賦右平左城註城階齒也玫瑰見滕

王賦

東京樊重之家

見半

玳瑁為梁

沈佺期詩海燕雙棲玳瑁梁

西洛

石崇之宅

見懽園賦

或奕洛瓌之所割據或賀六渾之所攘

竊

北史慕容廆小字奕洛瓌割地為北燕北齊書魏高歡謂爾朱榮曰明公雄武霸業可舉叛而成此賀六

渾之意也按賀六渾歡小字後篡魏為齊

三條夜啟遊騎歌鐘五劇晨開販

脂削脯

西京賦擊鐘鼎食連騎相過史記貨殖傳販脂辱處也而雍伯千金酒削薄技也而鄧氏鼎食

胃脯簡微耳濁氏連騎馬醫淺方耳張里擊鐘漢書食貨志翁伯以販脂而傾縣邑濁氏以胃脯而連騎質氏

以洗削而鼎食張里以馬醫而擊鐘晉灼註胃脯今大
官以十日作沸湯燂羊胃以末椒姜粉之訖曝乾使燥
者也如淳註削洗謂作刀劍
削也三條五劇見懽園賦 此皆歷代名都累朝勝域

今則空餘風月無復綺羅淇泉罕巧笑之人 趙國乏

報恩之士 詳掌亭 魁肩齧齒 見贈閭序 即曰洛陽女兒

見閨秀 序註 葱肆餅餠 見索 便是叢臺年少 見賚 詎堪揚扆

徒滋閔嘿 列子仲尼篇商太宰嘿然心計九章孔靜幽
嘿鬱結紆軫兮離慙而長鞠註嘿通默慙痛

也是以刻意矯除刮磨豪習孤行峭厲消耗壯心抱螽

簡以終年 廣雅螽同蠹 見澹菴序註 託螢編而永日 見懽 玉杯一卷

見澹菴序註

見懽園賦

見存卷
序註

珠海千函非狷非狂如是而已

補註

所幸學善陸

沈性甘徽纒

莊子則陽篇孔子之楚舍于蟻丘之漿其隣有夫妻臣妾登極者仲尼曰是陸沈者

也註極屋棟也陸沈人中隱者譬無水而沈并見看奕賦註揚雄酒箴牽于纒徽註井索也

賓從念

劉楨之疾

劉楨詩余嬰沈痼疾竄身清漳濱見滕王賦

主客知原憲之貧

見謝

園次啟

濁酒素琴差無患苦

稽康與山濤書濁酒一盃彈琴一曲恨賦濁醪夕引素琴

晨張宵鐘夜漏聊用襄羊

相如上林賦消搖乎襄羊郭璞註襄羊猶彷徨也

以此

自寬毋煩相譬

見井叔序

且夫楚腰信美

見梧月序

不登展氏之

牀

家語展禽名獲字季居柳下嘗納女懷中國人稱其不亂

秦缶雖工難悅趙王之

耳

史記秦趙會于渑池秦王請趙王鼓瑟秦御史書曰秦王令趙王鼓瑟藺相如曰請秦王奏盆缶秦王不許相如曰五步之內請以頸血濺大王矣秦王一何則為擊缶相如召趙御史書曰秦王為趙王擊缶

意胞者易為容而情乖者難為洽也是以越石抵掌於

晏嬰之側

見壽徐序

於期搯腕于慶卿之前

史記秦將軍樊於期得罪亡之

燕燕太子丹受而舍之荆軻私見於期曰願得將軍首獻秦王臣左手把其袖右手搥其胸於期慨然遂自刎國策蘇秦見趙王于華屋之下抵掌而談張儀傳天下之士莫不扼腕以言蜀都賦扼腕抵掌魏齊亡

命乃客虞卿

史記魏之諸公子曰魏齊因范雎為相亡走趙匿平原君所秦昭王遺書趙王欲殺

之魏齊夜亡出見趙相虞卿虞卿解其相印與魏齊亡間行欲因信陵君以走楚亡命見素伯序 馮茂

不聊爰投羊舌

左傳酸蔑惡欲觀叔向立于堂下一言而善叔向曰必諛明也林註蔑即鄭然

明其貌醜叔向聞其言而知其賢叔向乃羊舌職之子

無他素蒙根柢之知則畧

其疚瘠夙荷優容之雅則假以羽毛耳

鄒陽上梁王書欲忠當世之君

而素無根柢之容西京賦所好生毛羽所惡成瘡瘠註羽毛言飛揚瘡瘠言癰痕也

崧之藉庇廿

餘年矣不幸崩摧酷遭割罰年幾知命尚乏嗣胤漸成

張壯武之心疾時類羊南城之淚流

藝文類聚阮光祿大兒喪哀過遂得

失心疾壯武見懸圃序晉羊祜傳祜封南城侯無子封其夫人夏侯氏萬歲鄉君庾信傷心賦張壯武之心疾

羊南城之淚流

已於商邱

歸德府志陶唐遷閼伯于商邱即今商邱縣漢曰睢陽

擬置一

勝非云曼倩之小妻

見看奕賦

聊比樂天之粗婢

見琴瑟序

或者

李家先德尚產衮師

見看奕賦

阮氏清門將生遙集

見西洋啟阮孚別傳

咸與姑書曰胡婢遂生胡兒答書曰魯靈光殿賦

蓬頭

歷齒

見看奕賦註宋玉賦蓬頭歷齒

妄思以買得為名

小名錄桓冲字幼子彞之子兄

溫甚器之初彞亡兄弟並小家貧母患須羊以解乃以冲為質羊主甚富言欲為質幸為養買得即註冲小字

執繖擎箱謬計以醜奴作氏

補註古詩足下絲履五文章平頭奴子提履箱然

而客本畏人居尤不易

杜詩畏人成小築詩話白居易少時以詩投顧況況戲曰長安

物貴居大不易及見原上草篇曰有才如此居亦何難

必賴汝南長者寵以輜輶

許下羣公惠之談論

汝南見憺園賦開封志許州周曰許國魏曰許昌後漢書袁紹賓客

所歸輜輶柴穀說文輶車前衣車後為輜晉書謝朓此見會稽孔閨謂人曰此子聲名未立無惜齒牙餘論

其萍跡或免蓬科

潘岳西征賦飄萍浮而蓬轉

倘有高軒入魏幸言

朱夷於市中

李賀傳賀七歲能詩韓愈皇甫湜探之作高軒過詩史記侯嬴謂信陵君曰臣有客

在市屠中願枉車騎過之公子引車入市侯生下見其客朱夷

至於絳綬遊吳願述伯

鸞居廡下

見集生序

用茲仰瀆伏冀台慈更有鄙懷統祈尊

鑒崧以盧蒲髮短

左傳盧蒲嬖見齊侯泣曰余髮如此種種余奚能為子尾欲復之子雅曰

不可彼其髮短而心甚長

燭武精亡

見鞠存序

處處揶揄

見園次序

年年羶璫

撫言落榜而縱飲謂之打牝燥一云毬毬

正使石填武擔

見庭表序

詎塞愁倉土

運黎陽

見實巷序

難平恨棧瑤姬無掃塵之竹

瑤姬見納姬序鄭緝之東

陽記崑山去蕪城山十里有員池池邊竹極大風至垂屈掃地恒淨潔如人掃也永嘉記卜江緣岸有仙石

壇有仙竹嬋娟風來枝動掃石壇壇上無塵

玉女寡洗頭之盆

見劉太母序

將畫

葉公之龍遂牽荀息之馬

莊子葉公子高好龍雕文畫之于龍聞而下之葉公

見之棄而還走是葉公非好真龍也好夫似龍而非者也穀梁傳晉滅虞荀息操璧牽馬而前曰璧則猶是而

馬齒加長矣

雖復井公縱博寧能索笑於仙家

見三芝序

即令鍾

子刺船詎便移情於海上

見井叔序

方今成均廣闢

周禮

石鼓

弘鳴

見梧月序晉書武帝時吳郡崩出一石鼓擊之無聲張華云以蜀中桐木刺作魚形扣之則鳴如言

聲聞數

六館之側

漢書何蕃居太學六館之士不敢從亂

負笈者三千

見祖

德賦

四庫之旁

見園次序

橫經者十九

後漢書章帝會諸儒白虎觀講五經同異諸生

橫經捧手詣問

若獲策其謗劣竭此涓埃

史記李斯傳能薄材謗註淺也杜詩未有

涓埃答聖朝

一觀太學之碑

見儋園賦

便脫諸生之籍未知此語

果合事宜佇望台裁以為進止嗟乎來曰大難

見納姬序

獨

居不樂

補註

天上之愁萬里人間之怨千年

見琴怨序

困豫且

之赤鯉猶然仰沫於洪波

吳越春秋吳王欲從民飲伍子胥諫曰不可昔白龍為魚

漁者豫且射中其目若白龍不化豫且不射燒爨下之
今萬乘而從布衣飲臣患其有豫且之患矣

焦桐尚爾驚魂於妙曲

見佳山序

辭寧敘意書不宣心附注

劉穆之傳穆之布衣時往妻兄
江氏乞食多見辱後任丹陽尹

靈巖寺重建大殿碑

蓋聞須彌蘭若即號青鴛

見半繭賦華嚴經願一切衆生常安居止阿蘭若處釋氏

要覽梵言阿蘭若此言空靜

洛下伽藍原稱白馬

見石榴啟過去因果經諸僧伽藍竹

園僧伽藍最爲其始要覽梵語題云僧伽藍摩此云衆

園漢書明帝遣蔡愔張騫等往天竺取佛經以白馬馱

經乃起白馬寺于雍門外

永興推宅恒鐫淨果於許詢

建康實錄晉許詢捨永興

山陰二宅為寺既成啟奏孝宗詔曰山陰舊為祇洹寺
永興舊為崇化寺造四層塔猶欠露槃相輪一夕風雨
相輪自具曰宜壽聞鐘長託勝因於荀勗如藍記宜壽
里包信縣令
是剡縣飛來
段暉宅內地下常聞鐘聲時見光怪暉遂掘光所得金
像一軀併一菩薩趺上銘曰晉太始二年五月十五日
中書監荀勗造暉
遂捨宅為光明寺絳雲成蓋人間開舍利之城涅槃經
佛般涅槃
槃荼毘既訖一切四眾收取舍利置七寶瓶當于拘尸
那城四衢道中起七寶塔註舍利身骨也焚後五色如
珠光瑩堅固古樂
府有舍利佛題綠玉為階海上現辟支之佛法華經
羅漢得
道全繇佛教以聲聞為名辟支得道或聞因緣而解脫
或聽環佩而得悟故以緣覺為名水經註于闐國城有
利刹寺中有石鞞石上有足跡彼俗言是何必蓮河葱
辟支佛跡寰宇記伏虎菴有辟支佛化身

嶺給孤始解捐金

梁元帝阿育王像碑纔度蓮河即處天冠之寺按蔥嶺在天竺唐詩蔥河

雪漫漫即蔥嶺之河也經律異相須達多長者白佛言弟子欲營精舍請佛住惟有祇陀太子園廣八十頃可居白太子太子戲曰滿以金布便當相與長者出金布八十頃精舍告成故曰祇樹給孤獨園註須達多常施孤貧惻獨故曰給孤長者豈惟驚猿江大士方能捨室

水經註靈鷲山胡語

云耆闍窟山是山青石遠望如驚鳥形因名法華經山形如驚釋迦常居此注即靈山猿江補註維摩經維摩現病釋迦遣諸大弟子問安各說本因俱不敢赴惟文殊師利至大士頓空方丈容八萬四千獅子之座吳

郡靈巖山者具區勝壤

見臞菴序註

硯石名山

吳郡志靈巖山吳王館娃

宮故地其上硯石山有西施洞採香徑名香水溪下瞰太湖望洞庭兩山滴翠浮碧在白銀世界中離宮

標越絕之書

越絕書美人宮周五百九十步勾踐習教西施處越絕者勾踐抑強扶弱絕惡反之

于善

張樂夸吳都之賦

左思吳都賦幸乎館娃之宮張女樂而娛羣臣羅金石與絲竹

若鈞天之下陳

煙濤歎磚朱長文錄入圖經

宋史朱長文吳縣人著書閱古元祐

中為秘書郎正字嘗著經史有文集三百卷載有靈巖勝蹟

川瀆紛綸孫承佑形為

塔記

補註

若其旁綴由姑斜垂青巖峰連鄧尉纓綺岫以

攢霄

見竹逸序

徑轉車箱

補註

冠朱峰而碍日

西都賦豐冠山之朱堂魏都賦

首冠靈山

四百八十

見鴻客序

蒼蒼薝蔔之林

見逸齋序

三萬六千蓀

蓀芰荷之所

見雁巷序

縈晴結暝太湖伴佛髻以偕青蘸水

繚煙兩崦共天花而並翠

楞嚴經世尊座天雨百寶蓮花青黃赤白間雜紛糅維摩

經會中有一天女以天花散諸菩薩皆墮落至大弟子便著不墮天女曰結習未盡散花著身結習盡者花不

著身一聲谷響疑賡講院之鐘

見宋元詩啟

三闋漁歌似亂梵

窻之唄

王勃賦漁歌唱晚唐書王緡佐代宗作內道場晝夜梵唄法苑西方有唄猶東國有讚讚者從

文以結草唄者短偈以流頌名異實同

筠籠笋箸風送茶舲蕙畝松寮雨

沾梅屐展矣塵寰之淨域洵哉欲界之仙都

見玉巖序

爾其

沃壤眠芊平疇奧衍秋清獨眺閭門之萬瓦爭流春霽

遙看茂苑之孤城入畫

吳郡志夫差都闔閭以天門通閭闔故名閭門水經註若建瓴

而倒流李義山詩茂苑城如畫
閭門瓦欲流茂苑見孝威序

金椎匝路漢文隱毬門

牙仗之家鐵埽盈衢

見銅雀賦即金埽也

里僧市魁之窟况夫名

都故址伯業遺基兔葵燕麥盡昔王酣讌之場

古樂府道旁兔

絲何嘗可絡田中燕麥何嘗可獲博物志兔葵苗如龍
芮花白莖紫葉燕麥草似麥亦曰雀麥詩話劉禹錫後
遊玄都觀惟見兔葵雀麥動
搖春風註大菊曰燕麥籬麥綠水丹山半過客悲歌之

地

見銀臺啟

前塵一去館娃無響屨之廊

見三芝序

舊蹟猶存宮

監乏采香之港

見篇上庠日休館娃宮詩響屨廊中金玉步採香徑裏綺羅身

綺羅奚

代惻愴偏多簫鼓何年流連曷極魚山一曲翻成迎葉

之居

彌勒成佛經彌勒佛讚言大迦葉比丘是釋迦牟尼佛大弟子釋迦于大衆中常所讚嘆頭陀第一

傳燈錄釋迦在靈山會上

手拈一華示衆迦葉微笑

通鑑

外記吳王僚子慶忌居衛養士報仇闔廬患之于胥薦要離離乃殺妻子奔衛慶忌信之遂與渡江抽戈擊慶忌力薄不制慶忌猝而投之江赦之離曰臣已辱矣伏劍而死一作投慶忌于水即自殺高士傳臯伯通葬梁鴻于要離冢傍

註冢在常熟界

亦曰悴哉吁其惴矣假使城上高臺不

遊麋鹿

見園次序

古來樂事長屬爽鳩

見曜菴序

梧宮無一夜之

愁

述異記梧桐園夫差舊園一名琴川梧園宮在句容縣傳云吳王別館有楸梧成林古樂府梧宮秋吳王

愁

浣女有千年之笑

見園次序

闔閭無恙山中之劍氣還騰

越絕書闔廬塚在吳縣閭門外名曰虎邱下池廣六十步桐棺三重湏池六尺盤郢魚腸之劍在焉卒十餘萬人取土臨湖葬之三日金精上騰為白虎蹲踞其上伍相重來市上之簫聲未歇

見雪持序則秦關錦砌常依繡嶺宮前見子厚序蜀地花磚永保

摩訶池上見庭表序汾河月白年年明鵲雀之樓見天章序淮水

波紅夜夜浴鴛鴦之殿見鞠存啟無如繡囊慣解補註金鏡能

虧見劉太母序蕭條棧閣偏增望帝之悲見孟太母啟屑瑟關河

彌切憤王之恨南史吳興有項羽廟土人名為憤王潮鳴文種見銀臺啟空喧

塞鼓于傳芭谷應公孫祇唱迎神于醉現下註周禮註事鬼神者男

曰現女曰巫一作男曰巫曰現女名巫無現

銀牀屈曲徒盛玉女之漿

古樂府淮

南王自言尊百尺高樓與天連後園鑿井銀作床金瓶素縷汲寒漿名義考銀床非井欄乃輓轆架也

石

鏡晶熒終類武擔之石

見實巷序

此則天親菩薩樂施懺悔

之方

珠林彌勒天親二大菩薩迺造論一藏所謂經律論三藏傳燈錄六祖惠能

大師曰懺者懺其前愆悔者悔其後過

香積如來願仗皈依之力也

維摩經維

摩居士禮佛言願得世尊所食之餘于是香積如來以衆香鉢盛飯與之晁迺曰本覺名如始覺名來本始不

二名曰如來佛經皈依佛皈依法歸依僧為三歸

於是七重闌楯代植祇林

彌陀

經七重竹樹梵經祇陀太子施祇樹為佛說法處見篇上

五色琉璃時修蓮界

觀經下有

金剛七寶金幢擎琉璃地臨濟曰龍生金鳳子衝破碧琉璃傳燈錄釋迦佛生刹利王家放大智光明照十方世界湧金蓮花華嚴經佛土生五色蓮一華一世界一葉一如來燈燃多寶醒歷劫之

沈迷

藥師本願經禮多寶佛塔然七層之燈不遭衆難歷劫見琴怨序

經演三車救衆

生之熱惱

法華經初長者以羊車鹿車牛車立門外引誘諸子出離火宅之難然後但賜諸子大白

牛車而度脫之

架瓊梯於震旦構紺榭以由旬

傳燈錄初祖達摩曰當在震旦

設大法樂謂中國也成光子曰震旦即神州之號震為東方日所出之地故以東國為震旦國法苑珠林須達爾時為蟻佉國大臣名須達多此園地還廣一由旬純以七寶布地奉施如來起為住處支僧載外國事由旬者晉言

寺所由來爰云舊矣然而迢迢貧里

補註

亦有平

陂

見楚鴻序

寂寂化城非無隆替

法華經有一導師多諸方便于險道中化作一城是

時疲極之衆前入大城生已度想生安穩想

河傾酸棗

漢滿恤志孝文時河決酸棗

波漂

鹿女之經

見逸齋序

談縱咸陽

見天篆序

灰燼鴿王之座

珠林昔一鴿被

鷄所逐即往舍利佛肩躲避身猶戰慄後飛向佛安然無恙六度集經菩薩為鴿王

岌窳寶樹攀

少室以恒彫

大集經金多羅樹白銀葉花銀樹琉璃葉花頗黎樹馬腦葉花馬腦樹車渠葉花車

渠樹真珠葉花真珠樹黃金葉花嵩山志旁少室山禪林有達摩面壁故蹟

杳藹慈航渡恒

河而每涸

珠林般若者苦海之慈航彌陀疏抄恒河在西域無熱河側

鬼謀人社

見得

序仲濫及花宮

白帖佛寺曰蓮界花宮

星貫天錢償之柰苑

見三芝序按西

域有樹成果果中有女子王收為妃以地施佛故名柰苑洛陽伽藍記白馬寺有柰林故寺稱柰苑不有

所廢其何以興此千秋金刹

見半蘭賦

每苔纏蘚泐於前朝

而六代琳宮

空洞靈章經衆聖集靈宮

仍矢棘輦飛於今日也

詩然

其始也廬峰乍闢豈能銀殿飛來

補註

漢觀初成未必玉

梁自下

玉筍山記漢武時玉筍山民感山之靈異祈禱立應乃置觀以表靈跡構殿缺中梁一條將選

奇材經旬未獲忽一夜震雷風烈天降白玉梁一條因號玉梁觀至魏武時亭午震雷化白龍而去鵲毛

徒禿詎便成橋

見懣園賦

唇氣空噓焉能結市

見藝圃序

不藉鵞

摩之願寧還龍樹之觀

五燈會元鵞窟摩羅救產難因緣摩訶摩耶經正說衰微有一

比丘曰龍樹善說法燃正法炬時則沙門僧鑑者妙湧言泉廣揮智刃

瑞應經太子出北城門天帝復化作沙門太子曰何謂沙門對曰舍妻子捐棄愛欲也論衡吾言湑澁而泉出文賦思風發于胸臆言泉流于唇齒陸贄傳既貫花而

卓錫復挿草而唱緣

纓絡經帝釋尊天以花貫諸纓絡供佛初學記梁景泰禪師居忠州

寶積寺無水師卓錫于地泉湧數尺地志梁時寶誌公與白鶴道人同欲往鍾山之麓誌公公某以卓錫處為記大智論菩薩用錫杖五燈會元釋迦與賢于長者過一寶坊世尊云此處宜建一梵刹長者挿草一莖云建刹已竟僧肇論禪典唱無緣之慈經曰無緣生慈以斯而唱物無不周金容再煥艱同夸

父之移山

見徐母序

香界還新勇比秦王之鞭石

見懺園賦

菴羅

之樹又見華開

一統志真臘國有菴羅樹花葉如棗實似李菴羅園闡義此樹花開生一女園

既屬女女常守護後以園奉佛

必鉢之林重聞鳥轉

大智度論菩薩為迦頻闍羅鳥與大

象獼猴友共在必鉢羅樹下時大象負獼猴鳥在猴上周游而行五燈會元摩耶夫人手攀畢鉢羅樹枝佛從

右脇降生

信屬金仙之可護

後漢書漢明帝夜夢金人長丈餘以問羣臣傅毅對曰臣聞西

域有神曰佛其形長丈六而黃金色本行經忍辱修行三千二百劫始証金仙

尤資善信之捐

施

見上註

凡諸居士誰非喜捨之蘭陀

白帖迦蘭陀長者先以園施外道後

見佛逐諸外道以園施佛建立精舍

維我宰官本是再來之摩詰

普門品經應以

宰官身得度者即現宰官身而為說法維摩經維摩詰是金粟如來再來發迹經淨明大士是往古金粟如來

於是伐彼青珉鏤之紫篆珊瑚七尺春蠶織無量之碑

見葉母序鸚鵡雙棲古蠶繡頭陀之碣六度集經菩薩為鸚鵡王有徒衆三千有

兩鸚鵡力勢踰衆口銜竹衡以為車乘王集其上飛止

游戲古蠶見懸圖序要覽天竺言頭陀此言斗數斗數

煩惱故曰頭陀姓氏英賢附注吳越春秋夫差避越兵
錄王巾頭陀寺碑在鄂州于陽山三呼公孫聖而

醴泉頌

總督三省尚書白公宿應鈎陳見璿璣賦星躔華蓋西京賦

辰士贊曰天皇大帝上九星曰弓刀褒鄂見觀從龍居

華蓋所以蔽覆大帝之座也

檜序

日月之鄉甲第崔盧

見楚鴻序

躍馬得風雲之氣陶太尉門

第尤高專作八州之督

見鄴園啟

郭令公班資最貴親總九

路之師

見儲太翁啟按唐分天下為十道宋分天下為二十三路

籌邊而玉帳摩

天

見鄴園啟

料武而金笳沸地

見渭仁序

於是盧龍城上獨設雄

關

見孟太母啟

涿鹿州前還開策府

見孝威序

矧甌海實神京之

臂指

地里志弊縣屬東萊郡有鹽官呂忱為涖令通考省作弦賈誼策令海內之勢如身之使臂臂之使

指

至宛雒猶天下之咽喉

見懽園賦

齊宮魯殿悉凜兵符

徐陵

九錫文寧秦宮之可顧豈魯殿之猶存

榮澤教倉咸遵節制

晉書榮陽郡榮陽縣地名

敖秦置敖倉者地理通釋敖倉漢屬河南今鄭州榮澤榮陽二縣地榮澤在開封中牟縣北

若恒嶽

若岱嶽若嵩嶽

見賀周序

朱旂殷日一歸統轄之中

廣雅轄一作轄

猶管也毆空裹之以金如管也管轄之義取此

為冀州為兖州為豫州

書

鐵騎

嘶風羣在指麾之下

見渭仁序

公則望重甘霖化弘時雨躬

斟大斗以膏黍苗

詩

手挽銀河而洗兵馬

杜詩安得壯士挽天河淨

洗甲兵廉泉不竭

見劉太母序

吏民霑灌溉之需古井無波

孟郊詩妾心古井水波瀾誓不起

掾佐飲汪洋之度無何而邑多眚井

見葉母序

屢盡醎泉公於署旁親加相度畚鍤甫及浚泓已

盈先是我公會徵吉夢陽休之將登三事夢見蓮花

宋書

陽休之字子烈以文章擅聲北史陽休之在洛將仕夜夢見黃河北驛道上行從東向西道南有一冢極高大休之步登冢頭見一銅柱迭為蓮花形休之從西北登一柱礎上以手捉柱柱遂右轉休之咒曰柱轉三匝吾至三公柱遂三匝而

達奚武正典同州夢邀甘澍

北史達奚

止休之尋寤後果驗

武字成興代人少儻事周文帝以戰功拜太傅初武在同州時武帝勅武祀華岳武于岳上籍草而宿夢一白衣來執武手曰快辛苦甚相嘉尚武遂

公則天與聖

水兆始他年神灌香河祥呈今日

順天志良鄉縣有琉璃河即古聖水又香

河縣古武清地

甘同玉女之漿

見靈巖碑

清比康王之谷

一統志廬山康王谷

秦王吞六國楚康王隱避于此故名內有水
簾洞陸羽題云瀉從千仞石寄逐九江船
徘徊嘉歎

顧而樂之夫橘井鮑姑

見徐母序

徒誇諺誕球欄綺幹祇益

奢靡

王廙洛都賦玉井珠欄伽藍記河間王琛置玉井金幹

靡有當於休嘉究何

關於盛德至夫張陸二宅井以人名

見紫玄序

瑯琊兩山泉

因釀著

九域志晉元帝封瑯琊王因以名山巖谷深遠有溪自兩山夾流而下曰釀泉在滁州

亦

第文士之風流詎屬名賢之感召若乃廣利貳師拔佩

刀而山泉自出

漢書貳師將軍李廣利破大宛圍山絕水廣利乃拔刀刺山飛泉湧水

耿

恭疏勒正衣冠而井水橫流

見歸田序

忠誠動夫天地語豈

誣乎志氣協於高深公其是矣爰則繞以寔廊沓之銅

甃

風俗通甃聚磚修井也

鏤楹髹楯垂鏡裏之雙虹

名園記霍仙鳴別墅開七

井雕鏤為井盤覆之夏月坐其上髹楯見贈閭序李詩兩水夾明鏡雙橋落綵虹

素綆銀牀

見靈

巖碑

舞天邊之獨鶴

謝宣城詩獨鶴方朝唳

時乃上日落成羣僚戾

止鞞刀夜壓

見紫來序

數碣石之雁飛

地理通釋碣石在海旁有雁門鹽澤并見

渭仁序淮南子馮遲大丙之御也過歸鴻于碣石也

閣道晨遊看滹沱之水落

見田

太翁啟

兵欄月冷

見素伯序

廬從事因而賦詩

補註

壘府星高鮑

參軍於焉命酒

見瀛臺序註

欣茲盛事廣以流傳某忝屬員

恭為斯頌頌曰於爍

皇清介茲祉福上帝命之莫乃九服地不愛寶天用降

康白麟萃囿朱英集房桓桓我公出鎮燕涿左綰淄

青

見歸田序

南襟穀洛

見映碧啟

我公至止文恬武熙

韓愈平淮西碑相臣

將臣文恬武嬉

含和飲德浥我嘉師非惟浥之又滲漉之

相如封禪

文頌曰滋液滲漉何生不育

雨澤瀟瀟

詩

復汜濩之

見瑞木賦

祁寒暑雨

書

我公是咨木穰金飢

見觀槿序

我公是毗

詩天子是毗註附也

水非

資車旱非資皮

貨殖傳計然曰旱則資舟水則資車物之理也

我公在焉康斯

阜斯三江既濤九河既灑

說文灑滌也亦作洒

北通朱戶南暨黃

睡

秦始皇紀東過黃腫註東萊郡縣名漢主父偃傳飛芻輓粟起于黃腫

溝鮮捶罌

廣雅捶同

推以杖擊泥漢書韓信以木罌度軍博古圖罌溫水器也

士醉而傲

說文傲醉舞貌

城無負

汲百雉髣髴

西京賦猛毅髣髴髴說文多毛鬚貌

灩灩湛露爰降於軒匪

降於軒有命自天帝則為之神為告焉何以飭糒冽彼

汎泉

毛詩註飭精以水炊米也

石乳遜飴天漿失鮮

列仙傳邱疏者周封史也煮石

髓而服之謂之石鍾乳酉陽雜俎石榴甜者謂之天漿瑞應圖甘露者神靈之精一名天乳一名仙酒公

拜而受以祀以崇眷彼鴻濛食茲溟滓

莊子雲將東遊適遭鴻濛註自

然元氣也按
溟滓清貌

飾以文石緼之修綆

說文綆汲井索也

斟之酌之

井濫用慶

易註井濫者泥不停汚曰濫

瓴甌既周豐碑屹然

漢高紀猶居高

屋之上建瓴水也禮公室視豐碑三家視桓楹

我人作頌億萬斯年

遂安方氏健松齋記

昔者關稱楊葉

庾信枯樹賦北陸以楊葉為關南陵以梅根作冶

冶字梅根

見鴻

客

序高臺留酸棗之名別館得棠梨之號

見翼王序

將軍營裏

樹或千尋

見鷹垂序

故侯陵邊瓜皆五色

見滕王賦

紅薑繞砌知

為馮衍之家

見天章序

素柰盈墀識是潘尼之館

潘尼賦飛甘瓜于浚

水投素柰于清

渠並見天章序

莫不載在珠林錄於玉海

釋書有法苑珠林梁書朱

異猶玉海千尋窺映不測

南史宋張融有集名玉海

過其旁者攀條而興沃若之

思生其後者摘葉而切猗儺之感

詩

境由地顯物以人

傳然而海易成田

見舜民序

陵偏作谷

詩

淮王一去竟無仙

桂之叢

見滕王賦

湘女重來并少斑篁之點

見懽園賦

陶潛故里

菊已全稀

見翼王序歸去來詞松菊猶存

董奉空林杏還不見

見劉太母序

豈非霜凋楚畹

見海棠賦註

則芝蘭隨蕭艾同枯

見翼王序註淮南子

巫山之上從風縱火

風悴鄧林

見鄴園啟

則杞梓與梗枏交

盡者乎

見滕王賦劉峻辨命論火炎崑嶽礫石與碗琰俱焚嚴霜夜零蕭艾與芝蘭共盡

遂安

方氏有健松齋焉吾友方渭仁尊公先生之別業也縣

名新定

嚴州志孫吳新定縣晉曰遂安後因之

袁連天子障前

補註

山曰武

疆遙亘客星巖畔

嚴州志遂安縣有武疆山甚險峻盜不能攻故名又桐廬縣富春山一名

嚴陵山前臨桐江即釣臺臺下有客星閣按餘姚為子陵故里亦有客星山

林臯明瑟代產

高人水木崢泓生多隱士先生則常平世曹夙厭紛華

見智修序

王謝門風惟耽簡寂

見少楹序

雖類晏嬰之近市而託

興丘園即同潘岳之背城而結情邁軸

見紫玄序邁軸載詩

屢引

風前之嘯時披霞上之襟用搆小園爰名勺圃夫其涼

房燠館映以長川粉壁青垣繚之華薄

見合肥啟註

溯潺湲

而架壑

見懸圃序

渡界畧以沿堤

見憺園賦

籬編麕眼野花碧碧

以黃黃浪織靴紋

梁簡文詩風吹鳳皇袖日映織成靴註同韉

水蓼疎疎而

密密左抵蕉鄰之舍傍翼桑園右通竹士之軒斜紆琴

閣丹曦滌幌羣峯獻翠以爭來素魄縈窓疊嶂排青而

不去此結廬之勝槩而築室之大凡也若夫倪寬隴畔

只欲荷鋤

見海棠賦

陶侃齋頭雅能運甓

見紫玄序

臺孝威之暇

日采藥何妨

見孝威序

潘安仁之平生栽花不免

見楚鴻序

效丈

人而抱甕命稚子以巾車

莊子天地篇子貢南遊于楚反于晉過漢陰見一丈人方

將為圃畦鑿隧而入井抱甕而出灌左傳巾車脂轄歸去來詞稚子候門又或命巾車

崎嶇種樹

長愧索馳窈窕尋源還憐阿段

柳文郭索駝傳云索駝病僂偃善種樹風土記

獠國無姓名惟以長幼次第呼之丈夫稱阿暮阿段婦人稱阿姨阿等杜甫示獠奴阿段詩郡人入夜爭餘瀝稚子尋源獨不聞病渴三更迴白首傳聲一注濕青雲歸去來詞既窈窕而尋壑亦崎嶇而經丘

此又

逸民之勲業而幽士之經綸也無何而祠內狐鳴

見天章序

郭門蛇鬪

見懸圃序

女子抱采蠶之嘆大夫嬰離黍之悲

詩

盜滿平林寇瀾新市

光武紀招新市平林兵註新市縣屬江夏郡今郢州並見滕王賦註

蚍蜉競起

見素伯序即蟻賊也

媳婦傳八百之稱

雲南建置沿革世傳土酋有妻

八百各領一寨因名八百媳婦元初征之道路不通而返

鵝鵲長飛

左傳公子城與華氏戰于緒丘

鄭嗣願為鵝其御願為驚

君子有六千之號

見懸圖序

盧循萬舸

見佳山序

直

下嚴灘

見上後漢書嚴光餘姚人光武除為諫議大夫不屈乃耕富春山後人名其釣處為嚴陵灘一

名七里難張角諸軍

見素伯序註漢書靈帝時張角聚三十六萬衆皆著黃巾

分馳桐嶺

見鄴園啟烽搖列郡

見滕王賦

盡成糜竺之家

蜀志糜竺字子仲東海人資累巨億

從洛還家行未到數十里路傍逢一婦人求車寄載行二十里婦人謝去曰天使我燒糜竺家感君義故相告

竺愬請之曰快去我緩行竺急歸盡出財日中果
火發按竺進妹為先主夫人出金銀貨幣以給軍霧捲

千村大類張超之市

見觀
槿序

趙威豪時丁喪亂每被俘囚

後漢書趙苞字威豪為遼西守遣吏迎母及妻子為鮮
卑寇鈔載之賊出母示苞苞涕泣謂曰昔為母子今為
君臣苞即破賊母妻皆死苞殯葬靈帝策第封侯
既而曰食祿避難非忠殺母全義非孝遂嘔血死朱文

季運值流離恒遭畧奪

東觀漢紀朱暉字文季南陽宛
人年十三與舅母家屬入宛城

道遇賊欲奪婦女衣暉拔刀向賊曰錢
物可得諸母衣不可得賊義之遂放遣斯時也鶴到歸

時已無城郭

見存
巷序

燕將巢處更少門庭

見玉
巖序

周顥蚤韭

五代史周顥字彥倫隱鍾山後為
海鹽令嘗慕春初早韭秋暮晚菘

半供莊躋之樵蘇

見
竹

逸序張翰秋萼

見九日序

都作王彌之菊牧

見賀周序

雖歷歷月中

之桂而斧亦相尋

列仙傳吳剛學道有過謫伐月桂桂高五百丈斫之而斧痕隨合

縱

芒芒天上之榆

古樂府天上何所有歷歷種白榆

而波還濫及

見鄴園啟

藥

難獨活

見丁香賦

果只寄生

本草圖經桑寄生出弘農山谷桑上今處處皆有之樂府遺聲

有曲名樹中草註謂桑寄生也

而頻經板蕩

猶存碩果之遺

易

游歷

漂搖

詩

不改後凋之舊

論語

五株屹若狀類秦官

秦記始皇太

山風雨暴至休于松下因封為五大夫

獨樹巋然形同魯殿

見滕王賦

杜拾遺

之堂下畧比人長

杜甫草堂四松詩四松初移時大抵三尺強別來忽三歲離立如人長按

甫為左拾遺

王給事之門邊何知鱗老

杜詩何謂西庄王給事柴門空閑鎖松筠註王

維于開元中擢左拾遺給事王維詩種松皆作老龍鱗

固已青針乍茁賦客歎其

峨峨

世說有人哭長輿曰峨峨若干丈松崩一云峨峨若泰岱松古詩松針穿破嶺頭雲

紫蘚初

縈騷人歌其鬱鬱者矣

左思詩鬱鬱澗底松

蓋松之來也實於新

安許氏之園而樹之植也粵惟順治甲午之歲時先生

之歿已幾閱春秋而令嗣之悲乃倍踰疇曩云於是風

高暗撫嶷如虎豹之姿

歸去來辭撫孤松而盤桓杜甫雙松詩白摧朽骨龍虎死霜

降閒哦歛作蛟螭之勢

昌黎文集崔斯立為藍田丞日對二松吟哦其間蛟螭見璿璣

賦

枝枝扣鐵落滿徑之清陰日日吹竽沸半簷之天籟

杜甫雙松歌屈鐵交錯迴高枝魏都賦鐵條悲鳴聲化
竿籟古詩松風類笙竽莊子齊物論南郭子綦謂顏成

子游曰汝聞人籟而未聞地

籟汝聞地籟而未聞天籟

王右軍作字書若鸞拏

見紫

來

序桓元士掀髯怒成蝟磔

見天章序

蒼皮裂處軒皇媧后之

身

雙松歌兩株慘裂苔蘚皮五帝紀黃帝諱軒轅生而
日角龍顏列子伏羲女媧蛇身而人面有大聖之德

翠鬣張餘韋偃畢宏之畫

名畫記韋偃京兆人寓于蜀作老松異石筆力勁健人知

其善畫馬不知松石更上也畫斷畢宏大歷年間為給

事中畫石于左省廳壁好事者皆詩咏之杜詩天下幾

人畫古松畢宏

脂千齡而孕珀根萬載以蟠苓

博物志松脂淪

已老韋偃少

入地中千歲為茯苓
茯苓千年化為琥珀
髮髯張良廟後永晝亭亭

張良傳願藥人

間事從赤松子遊
劉公幹詩亭亭山上松

依稀弘景院中嚴
飈謾謾

梁書陶弘景時

愛松風庭院皆植松
每聞其響歡然為樂
世說世目李元禮謾謾如勁松下風

嗟乎恒河剝蝕

見靈岩碑

百卉俱腓

詩

塵劫蒼茫羣芳並歇

見琴怨序

而乃過王

家之舊宅尚有庭槐

見銀臺序

問劉尹之當年非無故樹

吳均

齊春秋劉瓛字子圭晉丹陽尹悵六世孫也袁粲在郡嘗于後堂夜集劉為祭酒在坐袁指庭中柳樹謂劉曰

人謂此是劉尹時樹每想高風今復見卿可謂清德不衰

火燒斷節

抱朴子山中夜見火光者皆古

枯木所作勿怪也枯樹賦火入空心膏流斷節薛能詩幾處松筠燒後死

恒換鵲紅

見天章序

月

挂枯枝定開華白爰修牆屋頓還童冠之前遊聊固垣

墉用誌高曾之手澤

見祖德賦

并成記敘用識歲年登斯堂

也或婆婆而賦松耶

戰國策秦使陳馳誘齊王建入秦遷之共處之松栢之間餓而死齊

人怨建聽姦人賓客不蚤與諸侯合從以亡其國歌曰松耶栢耶建共者客耶後有人焉應俛

仰而思遷者

見無忝序

王母張宜人墓誌銘

宜人姓張氏山東濟南府鄒平縣人曾祖仁軒公諱一
元前巡撫河南都御史祖華東公諱延登前都察院左

都御史謚忠定公父扣之公諱萬鍾前江南鎮江府推

官母李孺人生母景碩人譜其氏牒則張姓連天

見祖德賦

敘厥門楣則齊姜右族

詩

三條貴里

見懽園賦

銅街鐵市之

衢

見壽季序

七葉高軒蘭綺金貂之第

見半蘭賦

宜人幼即端莊

生而敏淑言為典誥象應畫圖

見潘母啟

纔踰毀齒

見素伯序

遂

工秋菊之銘

見鞠存啟

甫屆勝衣

見素伯序

便涉春蠶之館

見潘母啟

前漢書上林蠶所也元后春幸繭館東觀漢紀馬后置織室蠶室于濯龍中

誨誠無煩於師

氏幽閒有合於風人數歲許字新城翰林侍讀王阮亭

先生蓋先生伯兄吏部亦娶于張即宜人從姊也門內

機雲

見祖德賦

仍呼僚儕

雜記江東呼同門為僚儕

相中姊姒原屬同生

用為秦晉之美談允作朱陳之勝事

左傳晉侯使呂相絕秦曰昔逮我獻

公及穆公相好重之以婚姻與志朱陳村屬豐縣白詩徐州古豐縣有村曰朱陳去縣百餘里桑麻青氛氲一村惟兩姓世世為婚姻然而時會前明運丁未造扣之公一官羈

絆百口飄蓬田單之值亂離全宗人以鐵籠

見雪持序

杜林

之免細弱載妻子于鹿車

後漢經學行義傳杜林字伯山茂陵人杜鄴之子王莽末

避地河西隗囂外示優容陰令刺客于道遮殺之客見林身推鹿車載弟喪行千里感嘆不忍害後建平中卒

宜人轉徙江淮崎嶇京峴猥以髻鬣之辰

見賀序

游抱蓼

莪之痛

見懽園賦

爰乃弱不勝喪哀能備禮銳司徒之弱息

流涕何窮

見葉母序

許穆公之夫人銜悲曷已

見尺牘序

屬

興朝定鼎之日為闔門出坎之秋

易

馬角歸鄉時惟丙

戌

見觀槿序

雀屏諏吉歲紀庚寅

太平廣記寶皇后父毅嘗謂妻曰此女有奇相豈妄

與人因畫一孔雀于屏間請婚者射二矢陰約中目則得之射者皆不合唐高祖最後射各中一目遂歸之

蓋是年宜人實生甫十四云兩姓高門百年嘉會絲羅

既託

見昭華序

東諸侯之閭閱歸然喬木斯存

見祖德賦

內夫人

之纓裾秩若纓彼諸姬爛其韓姑

詩

高曾在上操箕箒

以前

國語諸稽郢行成于吳曰一介嫡女執箕箒以眩于王宮

舅姑在旁鳴珮環而

相

見韓倬序

婆婆鶴髮方伯公之笑口常嗟

詩

婉婉鸞雛兩

尊人之歡願欲解

見昭華序

睠言顧之樂可知矣乃其聲高

宋子德懋邢姨

詩

溯夫廟見之初暨彼入官而後始終

一致榮悴齊觀攬厥生平洵資揚扆當侍讀文禽初委

之時

見貞女序

正鳳翮將翔之日宜人則鬻釵佐讀剪髮供

餐

見徐母序

短布垂垂

見壽閭序註

影亂青袍之色寒機軋軋

見劉

太母 序 韻諧洛誦之聲勉成夫子之名用續前人之緒及

夫一行釋褐

見玉巖序

盡室之官鞠衣耀日駕文駟以北來

周禮註外命婦孤之妻服鞠衣其色黃象桑葉始生

畫鷁呼風汎綠波而南下

見祖

德賦而宜人受寵不驚處膏彌潔山河被服何心翟第之

榮風雨綢繆不改裙笄之素

詩

摻摻筐筥用笔蘋蘩

詩

肅肅桂襦

釋名桂襦婦人服

爰將榛栗

見毛太母啟

施衿設帨

見韓倬啟

承顏在視聽之先宿肉異張養志居口腹之外

禮五十異張六

十宿肉七十貳膳八十常珍

衣經再澣誰熏省內之香室倚一燈不

傳署中之粉賜來纖縞祇獻高堂製得釵璫為遺太母

婉容愉色

禮

得諸姑伯姊之歡

詩

布惠流慈逮籥翟輝

庖之賤

見逸齋序

至若侍讀公者東都有道

見天章序

西邸名賢

見壽徐序

閣鈴未掣

見竹逸序

騶已哄夫當關

左傳使訓羣騶知禮哄喝聲也當關

見雪持序

巷柝將闌賓尚窮於投轄

見得仲序

而宜人則黽勉有

無

屏當鮭菜

見庭表序

鵝肪雞蹠既胹末之咸宜

曲禮左胸右末

註胸脯也精細者為末

綠糝紅杭亦咄嗟而立辦以至一雙跳脫

列仙傳晉穆宗時仙女萼綠華降羊權家致火澣布手巾金玉跳脫各一註臂飾即釧也一作條脫時供

計吏之租車幾緡絢絲

玉藻童子不履絢註絢帶之屬

恒代良人為贈

縞

見懽園賦

傾奩飲助

毛詩鄭箋飲謂手指相次比也又助也

歡踰京兆之畫

眉

見少楹序

梯几喧飀

山海經西王母梯几戴勝註梯憑也

快比如臯之射雉

見澹菴序

其淑慎也如此其任卹也又如此固宜其祥鍾五

福

書

邑以延鄉

見葉母序

瑞叶三休

見壽閭序

封之石窳也

見葉母序

維崧間嘗邀稽枯菀歷有明徵

見雪持序

悉數平陂非無左

驗

見楚鴻序

古來憔悴之姬姜

逸詩雖有姬姜無棄憔悴

多是文人之伉

儷

見牛叟序

是故高才失職

見園次序

季女斯飢

詩

伯鸞德配舉

鴻案以增悲

見貞女序

仲孺賢妻臥牛衣而隕涕

見天章序

年年

飮畝傷哉冀缺之貧

見井叔序

日日移山惜矣夸娥之拙

見徐

母序

亦有齊牢嘉耦合卷華年

見閨秀序

領千騎於上頭

見閨秀序

註

列首行之命婦

見李母啟

而或者浮雲南北

見素伯序

溝水東

西

見季青序

悲纏盤裏空貽伯玉之詩

見愴園賦滄浪詩話玉臺集有蘇伯玉妻

作寫之盤中

屈曲成文也

泣上樓頭長寄連波之錦

見納姬序

甚至燕去

瑤筐

見鞠存啟

蘭凋錦砌

見翼王序

弄牀頭之繡襦

史記註繡襦嬰兒服也

只有緹縈

漢書太倉令淳于公有罪當刑少女緹縈上書願沒為官婢以贖父刑天子憐其意詔除

刑騎堂下之羊車

肉刑 見雪持序

何來遏末

見皇士序

縱使媧皇煉石

詎易填愁

見懽園賦

即令玉女投壺焉能博笑

見琴怨序

獨有宜

人殊斯遭遇意者茫茫蒼昊適當醉博之年

見三芝序

夢夢

黃輿

禮視天夢夢并見琴怨序

亦在滄桑之候乎

見舜民序

不知一歸才

子未必全亨但號上流安能常泰自壬子仲秋邁姑孫

太宜人之變宜人毀不欲生擗而祈死作婉孌之臯魚

見懽園賦

髻而泣血

見貞女序

效悲歌之嫠姊

見納姬序

烈以屠腸

見貞

女時則侍讀公方典試西川先是宜人又再捐愛子傷

心曷極茹苦何多盼刀環於萬里

見無忝序

目斷金牛

見考功序

埋蘭蕙以連枝

見翼王序

神傷青雀

見滕王賦

沈疴遂篤疾疾寧

多名香四兩

見葉母序

人間無換骨之方

漢武內傳王母謂帝曰子但愛精握

固閉氣吞液一年易氣二年易脉四年易肉五年易髓六年易筋七年易骨八年易髮九年易形陶弘景雜錄

苦荼輕身換骨杜

菊水一杯天上少延齡之術

見琴怨序

乃

以康熙十五年九月十五日卒於新城之里第春秋四

十嗚乎哀哉千秋灑泪長依思子之碑

述異記中山有韓夫人愁思臺

望子陵

九日登高立化望夫之石

見海棠賦

侍讀公以十六年

某月某日葬宜人於某鄉花磚改秩

見吳太母啟

雖未分榮

寵於紅奩韭葉題旌

見琴怨序

猶克表幽貞於彩筆銘曰齊

魯名家瑯琊著姓猗歟宜人塞淵以敬樛木流徽螽斯

衍慶頻摧弱息

見潘母啟

一慟慈姑

潘岳哀永逝文慈姑兮垂矜

海乾蛟

蜃

見舜民啟

月蝕蟾蜍

見鞠存啟

筐留玉燕

見鞠存啟

墳歸寶鳧

見半蘭賦

樹夢西靡

詳敬哉文

風號北陸

見澹菴序

千尺喬松幾枝斑竹花

簞留痕琴歌輟曲既嫺姆教

見昭華序

亦擅女宗

見吳太母啟

瑤

姬館寂

見孟太母啟

羸女樓空

見藝圃序

嗚乎令範隧此幽宮

左傳

註隧墓道也徐陵與
李那書歎此幽宮

陳檢討四六卷十八

欽定四庫全書

陳檢討四六卷十九

翰林院檢討陳維崧撰

誄 哀辭

楊俊三誄

玉樹徂春金刀掩夜

晉書庾亮卒何充嘆曰埋玉樹于土中使人情何能已已南史王規

字威明尚書寫之子幼稱孝童年十二通五經為昭明太子所禮亡後簡文與湘東王繹書曰威明實俊人也一爾過隙永歸長夜金刀掩鏹長淮絕澗淑問猶宣惠心永謝嗚乎哀哉君

才調英奇篇章卓絕言泉流吻思風扇臆

見靈巖碑

剖玄晰

奧纖若蟬翼鋪文雕采縟以龍梭

見半潮賦

南朝人士眷爾

清新東第衣冠嗟其綿麗加以德性幽婉標舉簡令神

鋒內歛道器外張雋不累理淡不却物故能靜表溫純

動形潤栗弱年繡虎雅擅綺才

見祖德賦

髻齡蠟鳳頓饒妍

慮

見雪持序

雄辨驚其父客

見素伯序注

高名厠於時賢譽重南

金價侔東箭

晉書薛兼入洛張華見而奇之曰此南金也虞翻以所註易示孔融融曰乃知東南

之美者非獨竹箭也晉書贊顧衆虞潭並起兵討峻贊曰顧實南金虞惟東箭

洎乎運丁百六

世遭陽九

王洪大乙肘後備檢凡四百五十六年而一陽九二百八十八年而一百六陽九奇數也

乃陽數之窮百六偶數也乃陰數之窮皆所為厄會也漢書音義元之中有九厄陽厄五陰厄四陽為旱陰為水運初入元百六歲有陽厄故曰百六之會漢食貨志易無妄曰一元之中四千六百乙十七歲各以數至陽厄故云百六按四千五百歲為一元

吳都賦世濟陽九魏都賦運距陽九令府君維斗先生

忠構身危義積家禍石城哀卞

石城見皇士序哀卞詳掌亭註

白下悲

袁

金陵志府西北有白下城古蹟唐立縣于此以白石壘之故名悲哀見琅霞序

君時竄跡倉

皇邁會孤露

見集生序

程嬰轉徙私匿其兒

見潘母啟

李燮飢寒

但依其姊

漢書李固下獄死有子名燮燮姊文姬謀預匿之告父門生王成曰李氏存滅其在君矣

並見賀

周序

吳門乞食

見雪持序

合浦賣珠

見素伯序

晨繁絃以引悽

昏促管以會泣令伯陳情之作極此纏綿

見集生序

右軍誓

墓之文彌為悲惋

見黃門序

無何軍書少弭戎馬暫寧親串

稍通音問間嗣會丹輪于城郭時有唱酬

見田太翁啟

修輕

苔於几闥不無贈答

見尺牘序註

時則金聲逾振玉色罕渝

朱齡石百函并發

見壽徐序

劉穆之五官互用

宋書劉穆之內總朝政外

供軍旅目覽詞訟手答牋書耳

巧心所濬酌而不竭

頭陀

寺碑遙源濬波酌而不竭

惠匠所琢剔而益麗樵蘇不爨終焉而已

見潘母啟

將謂務疎道親

任彦升薦士表空通人曠物疎道親

身阻意泰

見閨秀序

保幽貞於物表棲軒冕於塵區永為藜藿之夫

見索餅啟甘

作丘園之秀

見彭太翁啟

而人惡其潔天墜其芳猥以虎豹

之姿竟際龍蛇之歲

見翼王序

情深撤瑟慟擬登牀

禮士無故不撤

琴瑟世說顧彥先喪家人常以琴置靈牀上張季鷹往哭之不勝其慟遂徑上牀鼓琴作數曲竟因又大慟晉書王子猷猷子敬俱病篤而子敬先亡子猷不哭知子敬素好琴便徑入坐靈牀上取子敬琴彈弦既不調擲地

云人琴俱亡

因慟絕良久春秋二十有三禰衡臨歿之年尚虛其一

見雪

終軍奄逝之紀祇過其三

見黃門序

夫人乃松陵吳茲

受先生淑女而吾友弘人聞夏漢槎賢妹也劉氏祭夫

手調薑橘

見閨秀序劉氏祭夫徐敬業文敢遵先好手調薑橘素俎空乾奠觴徒溢

徐姬答

外情綢鏡釵

見丁香賦及尺牘序

嗚乎哀哉爰為誄曰兩儀肇始

皇降分區乾坤盤礴氣數昭蘇靈鍾牛斗

天文志牛斗禹貢揚州之

域

寶產勾吳

吳志勾吳太伯始所居地

頑豔靡均清濁鮮符猗歟是

人洵邦之彥

詩

秀外惠中

盤谷序秀外而惠中

曰溫曰善學圃增

泓文峰日倩

見懸圖序

宅心簡棲措躬澄練既稱第一亦曰

無雙藻姬陸海麗甚潘江

見園次序

文明映物經緯華邦清

瑟聿拊洪鐘既縱命之不猶國家多難袁有愍孫顧惟

元歎

宋書袁粲太尉淑兄子也父濯早卒祖母袁其幼孤名之曰愍孫嘗慕荀奉倩改名為粲字景倩吳

志顧雍字元嘆從蔡邕學琴蔡異之曰以吾名與卿顧遂名雍為人寡言領尚書令封侯而家人不知孫權嘗

曰顧侯在坐令人不樂

申志悲涼遣言哀斷

徐陵與李那書發言哀斷

雜作豫

廁

見舜民序

浮沈嵇鍛

見半繭賦

術衰齒盛道蹇業隆雕鏤羣象

漆綴化工明詩習禮誦雅歌風魏雀辭金

見銅雀賦

漢盤泣

銅

見滕王賦

豈其王頰

補註

不如沈勁

晉書將軍沈勁以父克死于逆亂志欲立功雪

恥后陳祐以燕兵逼洛陽糧絕無援度不能守乃以五百人付勁守之勁喜曰吾志欲致命今得之矣洛陽陷

勁被執神
氣自若

柰何伊人不永其命大火流暉

詩

玉衡移柄

天文志玉衡斗柄星名

巷軫絕絃

見園次序註

衢凝分鏡

見翼王序

南皮曩

侶

魏志吳質南皮人魏文帝築燕友臺款質後遺書曰南皮之游不可忘也梁武帝詩總轡游南皮沈約詩

論采南皮之高韻按河間府有南皮縣

北府名流

見尺牘序

今悲雨散昔溯風

流

揚雄美新霽集雨散鸚鵡賦何今日以雨散王粲詩風流雲散一別如雨

九京可作萬禩

難求

國語趙文子與叔向游于九京曰死者如可作也吾誰與歸註九京晉墓地一作九原

青松

郭外

見祖德賦

紅粉樓頭

見尺牘序

宣城文學施公誄

惟康熙十有八年春王正月四日文學砥園施公卒於

宣城里第春秋七十有八嗚乎哀哉大道淪胥微言放

失十室之邑衆喙爭鳴

莊子秋水篇無所聞吾喙

一閔之中百家競

作

法言一閔之市必立之平韓文諸子百家

俗儒奉夸毘為指歸

詩

曲士緣

辭章為傳會轉相剽竊祇益波靡推厥所由本之先撥

詩

其要教不基之門內則葛藟之誼靡敦學不本之躬

行乃鳴鳩之仁未渥也

詩

施公生經文煨燼之餘當人

心陷溺之日而能汜濩醇風

見瑞木賦

彌縫絕業

左傳彌縫其缺相如

難蜀父老繼揚子君子言則成文周氏之絕業動則成德以其弼中裸之以藝彪之以文

而彪外也張華詩体之以質彪之以文韓文道弼于中而裸之以藝源始門閭達於鄉塾

慥慥乎抑亦光輝篤實之君子矣天不慤遺左傳孔丘

曰旻天不弔不慤遺一老註慤且也哲人其逝見毛太母啟時則公之猶子愚

山先生受官輦下僦舍都亭悵噩夢之宵徵見竹逸序痛訃

音之旦至遂搏膺而相告用紋血以為言九章孤子塗而紋淚恨賦

紋血相視蓋分雖叔父而誼篤所生服止期年而情隆自出

馬伏波之誠兄子造就居多見壽季序第五倫之鞠弟妹恩

勤不少

通鑑或問第五倫有私乎曰兄子病一夜十起而安寢子有病雖不省視通夕不寐謂無私乎

聆愚山先生所敘述則公之崖畧可知矣崧也景至德

之難名緬遺徽之未沫掄揚莫罄敢搖筆而成郭泰之

碑

詳掌序

洄溯靡從爰綴文而製展禽之謚

見合肥書列女傳柳下惠

死其妻誄之畧曰夫子之不伐兮夫子之不 誄曰厥初

生民萬彙芸芸權輿遂古

見天篆序天問遂古之初誰傳道之註遂往也

原始

皇墳剛柔攸判仁羿爰分

見天篆序

孔學惟眀軻乃闢荀

史記

世家孔子適周問禮于老子揚雄法言古者楊墨塞路孟子辭而闢之廓如也韓文孟子醇乎醇者也荀與楊

大醇而小疵

羸燔典籍

見樂府補序

羣言牴牾漢工箋疏宋精訓

詰異派同臻殊塗畢赴宰我堪雕顏回可鑄

見佳山序

猗歟

濂洛發源泗洙

宋紀周茂叔程灝時稱濂洛記曾子謂子夏曰吾與汝事夫子于洙泗之間

道求實踐又繫中孚

易

而彼末流相沿詭趨盱江龍溪

淪玄襲虛

理學錄盱江羅汝芳號近溪又王畿師事王陽明有龍溪集皆主良知之學

新盡

思傳文衰欲起

莊子養生主指窮于為薪火傳也不知其盡也註薪有盡而所傳之火不盡韓

文公廟碑文起八代之衰

姑山峨峨句溪瀾瀾

補註

疇紹前賢曰中名

子主敬存誠致知窮理二子競爽

詳掌亭誄註

述明砥園棠

華並韡箎唱交宣

詩

思探象罔

見璿璣賦

悟絕言詮家惟曾

史

莊子駢拇篇雖通如曾史非吾所謂臧也註謂曾子史魚

人企淵騫

論語

嗚乎述明

不幸蚤世倂彼藐孤

見翼王序

疇依疇字疇為含哺

見微萬柳啟

實維叔氏茹我以荼

詩

沐兒以淚遺雖漸長奮翮天衢

為國名臣為時大儒臯比秦岱

宋書張載嘗坐虎皮講易從遊甚衆朱熹贊曰

勇徹臯比一變至

觀察鄱湖

觀察見李母啟鄱陽見滕王賦

服官講學

道註即虎皮也

與古為徒公喜而言是兒可教石奮家規延之庭誥

見歸

田詩詠素絲爾惟則傲

詩

姪官於外公偃林泉敬宗睦

族立塾置田樂公建社

見祖德賦

原氏名阡

漢書原陟自以先人墳墓儉約

非孝也乃大治冢舍初武帝時京兆曹氏葬茂陵民謂其道為京兆阡陟慕之乃買地開道立署曰南陵阡人

不肯從祇謂

之原氏阡

朝曦夕魄幌雨籬烟趙禮推肥薛包讓產

漢書趙禮值凶歲為餓賊所得兄孝聞之即詣賊曰禮

瘦不如孝肥賊驚並放還顯宗聞其行拜諫議大夫薛

包傳包字孟嘗後母憎包逐出包悲啼感親因還之及

諸弟求析產包悉取朽敗者後弟產盡包復與之建武

中徵拜

侍中

每逢家諱恒虔祀典肴楨維蕕豆邊有踐

詩

老

則兒啼

高士傳老萊子七十著斑衣取水上堂跌仆臥地為小兒啼以悅母

祭焉必泣

見少

楹序

鄰有死喪賻之祿之

見壽徐序註

族多窶乏衣之食之有

窮者鰥若教餒而

見祖德賦

丐錢營婚資其帨褓劉君伯陽

公之老友敗屋陳編苔纏蝸繡歿于公殯祔之塋右三

尺殘碑大鐫誰某敦仁處義履信懷貞過人急難赴義

如爭其或負公肱篋攘簞

莊子肱篋篇將為肱篋探囊發匱之盜而為守備註肱開

也探手

搖首置之流觀太清

詳仲衡文

敬亭翠抹琴溪雪濺

宣城郡圖經敬亭山宣城縣北十里與志涇縣溪側有石臺相傳琴高控鯉上昇處

卯歲輕帆與

公一見漉酒邀賓剪燈張讌語必纏綿詩皆雅健謂公

淳樸定享期頤

見壽閣序

何圖奄謝遽至于斯公之猶子適

宦京師去官度尚恨不同時

補註後漢書度尚字博平為上虞長後為荊州刺史

平長沙賊封侯按度尚為八厨之一

睹墅棋收

見半蘭賦

竹林觴罷

見睢菴序

歎鳳

嗟麟

拾遺記孔子相魯有神鳳遊集至哀公之末不復來翔子曰鳳鳥不至可謂悲矣嗟麟見素伯序

傾河圻華

世說顧長康哭桓宣武聲如震雷破山泪如傾河注海

我觀今古總悠

悠者衆庶馮生庸愚怛化

莊子大宗師子來有病喘喘然將死其妻子環而泣之子

犂往問之曰叱避無怛化註怛驚也謂無以哭泣驚將化之人

而我識公學定神全

列子

醉者之墜于車也其神全也

彭殤一致生死齊觀

莊子南郭子綦曰莫壽于殤子而彭

祖為天

中明祠內蕉碧楓丹

見鞠存啟

繼志續緒復稱二難

漢書

陳元方子長文與季方子孝先爭論父功德
于太丘太丘曰元方難其兄季方難其弟
我獨銜悲

百身難贖

詩

國鮮典型邦無耆宿顏愴淵明潘哀汧督

何法盛晉中興書顏延之為始安郡道經尋陽常飲淵
明自晨達昏及淵明卒延之為誄極其思致臧榮緒晉
書馬敦為汧督立功孤城為州
司所枉死于國潘岳誄之
敬撰蕪辭冀颺芳躅

嘉定侯掌亭先生誄

某年某月某日嘉定掌亭侯先生卒嗚乎哀哉慨自陳

寶鷄鳴翟泉鵝出

見天策序

君子則將成猿鶴

見銀臺啟

賢人則

遂值龍蛇

見翼王序

練川百里

地志練川屬嘉定昔人稱練川楮陸之平

既三戶

以無成

見尺牘序

上谷一門

見翼王序

旋五宗之同盡

漢書徐自為曰古有

三族而王溫舒罪至同時而五族乎陳琳檄所愛光五宗所惡滅三族註宗亦族也

褒融并日

見松

陵舉畢命於灰釘

見賀周序

盱眙同時並捐生於斧鑕

晉成帝紀卞壺

督軍討蘇峻苦戰而死二子盱眙隨之亦赴敵死其母撫屍而哭曰父為忠臣子為孝子夫何恨乎國策樂毅

報燕王書曰恐抵斧鑕之罪

雖呂錡射月事原無補於存亡

左傳晉楚遇于

鄆陵晉呂錡夢射月中之退入于泥占之曰姬姓日也異姓月也必楚王也射而中之退入于泥亦必死矣

而夸父移山誼則總關於家國

見徐母序

亦曰瘁哉於乎惻

矣先生則俛也猶存懂而獲免晉家趙武幾同置袴之

危

見禹平序

楚國伍胥頻蹈覆漿之難

吳越春秋伍員渡江漁父為持麥飯鮑魚

羹盎漿餉之子胥誠曰掩子之盎漿勿令其露

漁父諾胥行數步漁者自沉于江並見昭華序

亡命則

秦關趙廁之內蹤跡偏多

亡命見素伯序秦關見翼王序趙廁見舜民序

謀身

則貶貲纖薄之餘生涯絕少

貶貲見合肥書史記周勃以纖薄為生註薄簾也南

宋書沈麟士居貧纖簾號纖

簾先生說文木曰林草曰薄

將軍臺上序舊事以悲來

薊州志將軍臺

國士橋邊逢故人而泣下

國策趙襄子將出豫讓伏

管四十關塞

所過橋下襄子面數之豫讓曰智伯國士過

臣臣故國士報之與志豫讓橋在平陽府

門前客到

盡傳元節之難歸

見翼王序註

海上人來或曰邠卿之尚在

見祖德賦

靡能有定亦又何言既而雨不終朝

語林驟雨

雪

還見覲值 新朝之當璧每示含宏遇

聖主之垂乾慣存寬厚名除北寺終全李杜之家門

見禹

平序運啟南朝

見楚鴻序

免錮袁劉之子弟

魏志袁紹愛少子尚後譚熙尚三子

舉兵相攻而亡劉表愛少子琮後長子琦與琮舉兵遂傾覆

弱齡去國壯歲還鄉荒

蕪綠野之莊

見楚鴻序

憔悴黃冠之約

見觀樵序

乃以藐爾之王

頰

見俊三誅

竟作裒然之周黨

見映碧啟

燕仍巢於梁上

見玉巖序

三

月樓臺

見天篆序註

鶴乍返於人間千年城郭

見存菴序

時則赤

縣昇平

古今通論崑崙東南方
五千里謂之神州赤縣

黃圖豐暇

見萬柳啟

庶邦卿

士非無三明七穆之儔

見園次序

列國知交屬有贈策班荆

之事

贈策見考功序
班荆見禹平序

西園則徐劉應阮

見滕王賦

南國則顧

陸朱張

見尺牘序

蒞冠裳之會子產有辭

左傳鄭子產壞晉館垣叔向曰子產

有辭諸侯賴之

尋玉帛之盟荀瑩是主

左傳知武子謂獻子曰非禮何以主盟姑盟而

退註知武子即荀瑩一稱知瑩

舟船成市車騎如流

見壽徐序註

先生則夙

號耆英

見映碧序

羣推祭酒

見儲太翁啟

文章華貴激昂四座之

間

見禹平序

冠劍雍容籠蓋萬夫之上

見懸圃序

騁其逸氣譜私

史於金陀

見樂序補序

奮厥雄詞蒼高文於玉冊聲齊琬琰

見尺牘序

言郁椒蘭

孫卿子好我芬椒蘭漢五刑志鄰國望我芬若椒蘭劉峻絕交論言鬱郁于蘭

蓋

然而酒不忘憂

見智修序

花難蠲忿

見看奕賦

漸離擊筑初非

行樂之資

見智修序

子野彈箏詎是為歡之用

晉書王國寶搆謝太傅于

孝武太傅患之一日帝召桓子野桓請以箏歌便歌曹

子建怨詩曰為君既不易為臣良獨難忠信事不顯乃

有見疑患聲節慷慨太傅泣下捋其鬚曰

使君於此處不凡帝有慙色按子野名伊

孝臣忠之裔自有生平況此身自家亡國破而還何心

人世彼交稱袁灌不過志士之無聊

見半蘭賦

即兒命融修

或在才人而有託

補衡別傳與孔融楊修善常曰大兒孔文舉小兒楊德祖餘子碌碌莫

足數

高臺曲沼半屬前塵

見雪持序

醇酒婦人無非末路

見舜民序

誠恐海不能乾石偏易爛

見庭表序

誰云善謔陵跖無開口

之期

莊子盜跖篇孔子說跖跖怒曰人生上壽百歲中壽八十下壽六十除病瘦死喪憂患其中開口而

笑者一月之間不過四五日而已

何可無年錢叟之繫腰之術

見萬柳啟於

是羽服朝元瑤簪禮醮

王子年拾遺記周昭王晝而假寐夢白雲中一人衣服皆羽毛

王求上仙之術因名羽人老子內傳受元君神圖寶章變化之方及還丹伏火水永液金之術雍錄天寶七載

玄元皇帝見于朝元閣瑤簪見滕王賦

花深春晚叩碧磬以琅琅月悄秋

清吹紫簫而寂寂瑤姬圃內

見徐母序

惟栽益壽之花

本草甘菊

一名益壽花

見翼王序註

玉女窓間

見貞女序

祇種掃塵之竹

見合肥書

謂此

間之甚樂

晉書帝問後主曰頗思蜀否曰此間樂不思蜀也

嗟來日其大難

見納

姬何圖金竈難成

見得仲序

玉棺蚤下

風俗通王喬令葉縣天下一玉棺于廳事

前喬曰天帝召吾沐浴寢其中蓋便自覆之宿葬城東土自成墳

八公一去倚桂畔以

徬徨

見滕王賦

十叟不來望橘中而惆悵

見徐母序

樵人看博

見看

奕驚舟壑以潛移

莊子大宗師夫藏舟于壑藏山于澤謂之固矣然而夜半有力者負之而

走昧者不知也

仙子逢棊訝鴻泥之歛滅

東坡詩人生到處知何事應似飛鴻踏雪

泥

遂使青松鬱鬱長遮樗里之墳

史記樗里子傳樗里子名疾秦惠王之弟

也時號智囊將卒葬于渭南章臺之東曰後百歲當有天子之宮夾我墓漢興長樂宮在其東未央宮在其西

武庫正

白日悠悠不照滕公之室

見瑞木賦

怨何如乎悲可

知矣每覽寰區私相歎詫極文人之九命慨遺恨以三

端亦有寢類田蚡小踰臧紇

史記武安傳武安侯田蚡貌寢生貴甚以孝景皇后

之弟為相左傳臧紇救鄆侵邾敗于狐駘國人誦之曰朱儒朱儒使我敗于邾杜註臧紇短小故曰朱儒形

容闢冗哀駘寧足喻其奇

莊子德充符篇哀駘宅衛人貌惡魯哀公召而觀之果以

惡駘天下欲授以國政孔子曰是必才全而德不形者也

狀貌璫璫

見索餅啟

江神或自

嫌其陋

見懸圖序

君則姿神瓌麗儀態嵬峨長身玉立灼如

天半之朱霞勁翻凌秋矯若雲中之白鵠

世說劉訐與從兄歆各履

高操族祖孝標曰訐超超越俗如天半朱霞歆矯矯出塵如雲中白鶴魏書公孫度目邠原為雲中白鶴非燕

雀之網所能羅也

彼兮何幸偏工不死之方此也何冤未識長

生之訣斯其未喻一也又有學昧蹲鴟

顏氏學訓蜀都賦注蹲鴟為芋

江南有一權貴誤以為羊字人饋羊肉答書云饋蹲鴟青棠集張九齡送芋與蕭吳書稱蹲鴟吳不學答曰損惠芋拜嘉惟蹲鴟未至耳按芋頭類鴟鳥之居蹲坐也居也故貨殖傳名之

人訛疥駱

補注王

家敬則但曉拍張

南史王敬則臨淮射陽人好刀劍元徽初歸誠高帝侍宴華林使各效伎

敬則脫朝服奮臂拍張曰臣高貴鄉公不知反語補註魏志

高貴鄉公諱髦文帝孫初封鄉縣高貴鄉公羣臣迎之即帝位後攻司馬昭賈克令成濟弑之賈克與朝士宴

庾純曰高貴鄉公何在克慚怒此皆高軒繡戟高軒見合肥書繡戟見閨秀序秀齒龐

眉漢書顏驕君則對成孔雀幼已霸於詞場見素伯序賦就

枏榴壯益雄其筆陣見季青序三長互擅通鑑劉知幾曰史才須有三長才學

識也直登班范之堂見庭表序五采相宣書竟奪庾徐之壘見園

次而乃王濛不祿見葉母序謝朓無年梁史謝朓字敬冲謝莊子幼聰慧十歲能

屬文初與何點受徵不至後朓一旦詣闕梁武帝以為司徒朓素憚煩不省職事早卒何來天上

頻葬神仙

見上註

豈料冢中只埋賢達

見俊三誄

斯其未喻二

也抑有惑焉尤其甚者清河獄吏乃聞安世之於湯

史記

酷吏傳張湯磔鼠文如老獄吏後為長安吏稍遷大中大夫後三長史陷之湯曰湯無尺寸功起刀筆吏陛下

幸致為三公無以塞責遂自殺漢書湯

子安世字孺少以父任為郎見園次序

江表叛宗詎意

沈克之有勁

見俊三誄

大抵狂駭之胄

廣雅童昏曰胄

間出佳兒

見素

伯序私疑回遘之家

每邀庸福

古諺庸庸多厚福

君則三世清

忠一門義烈闔戶受屠腸之酷

見貞女序

瓜蔓期功

見潘母啟

舉

宗罹破卵之傷株連細弱

並見潘母啟魏氏春秋孔融見收二子方八歲九歲奕棋

端坐不起左右曰而父見執二子曰
安有巢覆而卵不破者哉遂俱見殺
乃復鬼不憐才天

寧悔禍

左傳鄭莊公曰天其以禮悔禍于許

風吹琪樹

山海經崑崙之墟北有珠樹及玉樹

琪樹琅玕樹

不留若木之一枝

見璿璣賦

火烈崑岡

書

詎勝荆山

之片玉

見楚鴻序

斯其未喻三也嗟乎向子期之鄰家笛聲

斯在

向秀思舊賦序余少與稽康吕安居止其後各以事見法經山陽舊廬于時隣人有吹笛者發聲寥

亮追思曩昔感音

稽叔夜之柳下鍛跡猶存

見半蘭賦

千春

而嘆故作賦云

毅魄長依杜氏階前

屈原九歌魂魄毅兮為鬼雄左傳晉獲杜回秦之力人也初魏武子

妾無子武子疾謂穎曰必嫁之疾甚曰必以為殉及卒

穎嫁之曰疾甚則亂吾從其治也及輔氏之役穎見老

人結草以亢杜回杜回躓而顛故獲之夜

三尺桓碑

見禮

夢老人曰爾用先人之治命余是以報

泉

永勒羅池廟後

見鞠存啟

爰為斯誄以告哀詞詞曰余方

羈貫

見雪持序

文籍是搜或示一編詞條最適作者誰歟

城六侯

見翼王序

英裁綺合壯采葩流

見天篆序

余本清狂幼而

逋峭腦滿腸肥

見懸圖序

翩然城鷄手把是編獨身而跳扣

角狂謳

見存巷序

擊壺大叫

見紫玄序

日中則昃

書

月滿而虧

禮

惜彼文中蘭凋蕙萎

見翼王序

黃巾載亂

見健松記

青蓋旋飛

志

孫皓使尚廣筮并天下曰吉丙子歲青蓋入洛陽及亡歲實在丙子

靈旂幾道白骨同歸

楚詞靈旗兮電驚甘泉賦樹靈旗世說潘岳金谷園詩
有云白首同所歸後孫秀既恨崇不與綠珠又憾岳不

遇之以禮收崇同

熒熒智含又弱一箇

左傳齊公孫窻卒晏子曰子旗

不免殆哉二惠競與猶可又弱一箇焉姜其危哉
註二惠子尾子雅也子雅即公孫窻生子子旗

拒園

掌亭相逢飯顆

李詩飯顆山頭逢杜甫

並泣牛衣

見天章序

雙悲馬磨

見懸圖序

琴已罷彈

見俊三誅

簾還寡和

詩

掌亭才健颯若犀蛟

與余握手士癸之交僧廬酒舫月墅煙郊風荷百頃露

竹千梢我讀我書葑溪之渌

吳志蘇州十三門葑門其一也溪有葑溪

同舍

三人維侯與計計子其龍視人若蟻所不如吾唾猶泥

滓

李陵與蘇武書言為瑕穢動增泥滓說文滓澱也

譌訛空涌

孔融薦禰衡表溢氣空涌

口

語瀾翻

見楚鴻序

而君屹若更復凝然朗如列屋

世說朗朗在白屋間

嶷如斷山當時介我狂狷之間鄧尉山頭

見靈巖碑

白公堤

上

輿志白樂天築堤于虎邱山下後名白公堤

蘋葉初齊

招魂蓼蘋齊葉兮白芷生寒

茗

華大放

詩

君弄輕舸時搖細浪畫縠半奩綠蓑一桁晚

而聞道老筆紛披絳園作賦石鼎聯詩

白帖佛寺為紺園昌黎詩有石

鼎聯詩題昌黎序衡山道士軒轅彌明自衡山來指爐中石鼎謂侯喜曰子能賦此乎

文鐫碑版

句勒盤匱風雷凌厲鱗爪之而

見觀槿序

所極難忘小人失

母馬鬣雖封

見孟太母啟

雞碑曷有

見無忝序

君惠大文界之不

朽已矣何言悲哉竟負自君歿後萍梗飛翻一悲甫草

再慟柅園追維疇曩流想生存雨零宿草雪擁陳根

見映

碧君之哲嗣家駒國寶

見壽李序

祖德是遵先疇是保葺君

年譜編君文稿命余排次屬余蒐討余才已盡君誼難

酬空銘郭泰徒誅黔婁

續漢書郭泰卒蔡邕為作碑曰吾為人作銘未嘗不有慙容惟

有道碑頌無愧耳列女傳魯黔婁死曾子曰先生之死何以為謚其妻曰以康為謚曾子曰先生何樂于此而謚為康乎其妻曰先生不戚戚于貧賤不忻忻于富貴其謚為康不亦宜乎並見井叔序山陽舊雨

見篇上

河渚前遊昔陪歡讌今斷風流嗚乎哀哉

尤母曹孺人誄

維康熙十有七年九月十九日尤母曹孺人卒於家春

秋五十有八此吾友悔菴先生之淑儷而孝廉珍文學

瑞之賢母也孝廉邸中聞訃既素輶星奔麻衣遄返悔

菴方金門待詔玉几求賢築館都亭授餐閣下屢申請

急之祈未驗還鄉之夢援琴以哭

見俊三誄

悽踰巴峽之猿

見懸圖序

鼓缶而吟

見井叔序

愁甚衡陽之雁

見素伯序

時則燕齊魁

壘之士影華組者三千

見九日序

鄒魯文學之賓捧珠盤者

十九

見園次序

聆斯哀曲咸致神傷況我良朋尤為心瘁

詩

昔者三年未返還吟零雨之篇六日不詹尚謠采綠之

什

詩

樓前送客界粉成痕陌上懷人結眉表色

見良輔序

何

況瓊田大去

十洲記祖洲有不死草生于瓊田張正見雪詩雲夢起瓊田

碧海無歸

見琴怨序

廖家智井

見葉母序

想竊藥以何年

見琴怨序

酈縣寒泉

見琴

怨序

擬煎香而無術

見劉太母序

暫遊京雒便為鶴返之期

見琴

怨序

小別鄉園遽應牛眠之識

見孟太母啟

良云已甚亦又何

言此則淞湘江之竹未能踰此酸辛

見懣園賦

彈蜀國之絃

不足宣其悱惻者矣

左思蜀都賦巴姬彈絃註成都雪氏善琢琴故曰蜀琴古樂府題有

蜀國絃歌

夫蕙叢早殞元微之所以悲來

元微之墓誌銘序公前夫人京兆常

氏無祿詳下註

遺挂猶存潘安仁于焉泣下

見井叔序

此皆伉儷之

恒情

見牛叟序

何況裙笄之令範可無揚扈用表幽貞嗟乎

金閨城下遙連齊女之門

吳志金閨亭在閨門外梁鴻墓所齊門者吳聘齊女女思

齊而病乃起望齊門令女遊其上閨閨城一名閨門見靈巖碑

石鏡山邊即是武擔之

路

見實巷序

誅桓釐之行曾傳沛國諸生稱陶母之賢競說

長沙人士

見李母啟

爰為斯製以志予哀其辭曰余與悔菴

門夾葑溪

見掌亭誄

花紅戶向柳綠簷齊俱邀戲馬

見九日序

並

載聽鸛

見懹園賦

橋分鷁誤

見祖德賦

巷肖鶯迷時過君家約為

文社雪霽窓融風狂燭炮倦或呼觴豪偏索炙隔帷食

器每鏘中夜乃知吾友室有鴻妻

見貞女序

寧憂釜鑠

見集生序

詎諠糠肥

漢書或問陳平何食而肥其嫂疾平曰食糠覈爾

貫來村釀乞得鄰

醯拔釵詎惜判薦誰疲

見徐母序

統統鼓聲漏踰三下君為

余言婦真健者

見劉太母序

敏既踰班

見歸田序

慧偏鑠謝

見琴怨序

手擷蘋繁

詩

躬親桑柘

見潘母啟

施衿結帨

見韓倬啟

習禮敦詩

見劉太母啟

猗與季女變彼諸姬柔嘉維則淑慎其儀聲高

璫瑤譽溢盤匱愉色婉容承顏堂上婦職攸勤女紅無

曠鞠脰而前

見璿機賦

鳴環以相

見韓倬啟

私勗青雲

揚子解嘲當塗者升

青雲

頻褰絳帳

見修襖序

君言未竟余喜而呼何期淑女儷我

鴻儒問訊他人斯寧有諸人言不爽君語非誣吳質長

愁

見澹菴序

襮衡善罵

見雪持序

我友高才文場雄霸後臂難封

見素伯序及孟太母啟

蛾眉不嫁

見鴻客序及茹蕙序註樂府捉搦歌老女不嫁只生日

對

酒謹叟

詩載號載叟注謹聲

臨風悲吒晚紆尺組人喜君嗔噲寧

堪伍

見存菴序

龍實難馴

顏延年五君咏其咏稽康曰鸞翮有時鍛龍性誰能馴

孺人

笑歡一語聊陳不聞毛義捧檄娛親

見潘母啟

君顧孺人欣

然道左月照城樓天伍箭塚

唐六典兵部試用一曰箭長塚天寶元年改長塚限

以十箭

白草煎霜紅旗掣火為窮塞主亦無不可

補北平

數載

見孟太母啟

綦縞言歡

詩

其或尼君鐫其一官孺人含

笑家本吳關非無樵笠亦有漁竿椎髻歸田

見劉太母序

耘

瓜斲笋梅福雙仙

見園次序

龐公偕隱

見壽閭序

酒賣相如琴彈

楊惲

見看奕賦

絃索宮詞

見琅霞序

琵琶院本

輟耕錄唐有傳奇宋有戲曲唱諢詞

說金有院本雜劇院本一曰副末古謂之蒼鶻鶻能擊禽鳥

君舞斑衣

見懽園賦

孺人六

珈

詩

君悲窈穉

見彭太翁啟

亦經而麻助君沐櫛

見懽園賦註

從

君輓車

見壽閣序

江通孝鯉

見瑞木賦

樹止慈鴉

見懽園賦

先是贈公

為君析宅舍後一區水雲俱白詎用高蹻底須列戟

見閨

秀序俾請于翁于斯偃息君聞是語起舞而旋能如是乎

與汝偕焉

見潘母啟

編籬竹次抱甕花間層廊映水小艇尋

烟往復循環盈虛依倚于門不大古無斯理

見懽園賦

未

其身必於其子果以卯秋佳兒鵲起

見祖德賦

非惟鵲起亦

有鴻騫

見商尹序

拔茅連茹

易

爰應今年羣公薦士天子徵

賢翹才千百

見九日序

君實褒然

前漢書武帝賢良詔曰今子大夫褒然為舉首朕甚

嘉之註盛服貌

竹徑松門臨行搔首將我重來能無恙否孺人

歎語分張詎久白月明明為君治酒西風葉落忽滿長

安何來惡耗竟墮君前發函淒哽伸紙汎瀾

見祖德賦

身留

北闕淚寄南天來歲新春凌雲賦噪

見實菴序

洊受重封仍

膺疊誥而我所悲禮宗是悼

見葉母序

杳杳黃墟

見壽閣序註

飛

飛丹旄附注

元微之本事詩紀妻韋氏字
蕙叢韋逝為離思詩悼之

王母張孺人哀辭

孺人姓張氏家世由大同徙長安遂為長安人余友給

事中王黃湄先生繼室也扶風城下夙傳織錦之鄉

見璿

璿賦

京兆街中本是畫眉之里

見少楹序

父興官都司陰符半

帙

國策蘇秦得太公陰符之書

玉帳傳來

見鄴園啟

遁甲一函

見微刻文啟

霜

弧射下

見懸圖序

因君城守粵西柳州故孺人從焉天吳紫

鳳

見謝園次啟山海經朝陽之谷神為天吳是為水伯

踰躔於明鏡湖邊

柳州

玳轂

鈿車捉搦在羅池廟後

列仙傳仙女杜蘭香詣張碩玳

搦見楚鴻序羅

鬱林紺石

見葉母序註

慣淖修蛾

見少

象郡

黃柑恒熏纖手

見李母啟

既而盡室西旋途經鄢郢

左傳註

地

扁舟南下路次沱潛

禹貢沱潛既道註二水江漢別流之在梁州者與荊州不同按

此乃指荊州之水

時則給事君居官安陸出宰江陵

輿志安陸州古竟陵

地明世廟時陞為承天府所領潛江縣即漢江陵地宋曰潛江按荊州府唐曰江陵今所領縣首曰江陵又德

安府有縣曰安陸

曾逢別鶴之辰

見琅霞序

續有委禽之事

見貞女序 盈

門嘉耦迨泮華年

詩

若乃天上張星

見祖德賦

應甘泉之圖

畫

漢武外傳李夫人少而早卒上思念不已圖畫其形于甘泉宮漢書金日磾母教誨兩子甚有法度病死

詔圖畫于

甘泉宮

樓頭羸女

見藝圃序

親灞岸之蠶桑

見潘母啟

仰事則

望廬髻髻毀以居喪

見貞女序周禮註大喪疎賤者居望室與倚廬相對

俯育而

饋雪丸熊勤能鞠子

說文饋沐洒面也九熊見潘母啟

鳴鳩廣惠樛木

流慈

詩

洵稱巨閼之禮宗

見貞女序

僉謂高門之令婦不幸

薜華蚤謝

詩

蟾彩難圓

見鞠存啟

瑤姬鮮益壽之方

見納姬序

玉

女乏長生之術

見天篆序

遂使波衝東渭

見懸圖序

長流鳴咽之

聲

見實菴序

月挂西秦永罷團圞之夢

見子厚序

銜酸曷極流歎

何窮

見觀
槿序

給事中徬徨故劒惻愴亡簪

見貫
花序

人誇彩筆

見看
奕賦

彌工傷逝之篇

見琴
怨序

官是黃門

官制漢明帝始置
小黃門後以諫職

名慣作悼亡之賦

見渭
仁序

緣余同病

吳越春秋楚白喜奔
吳子胥曰吾之怨與

喜同子不聞河上歌乎
同病相憐同憂相救

屬以序哀僕也曾經此恨甫當

除服之時

見井
叔序

何以為情況屆營齋之日

見壽
閭序

香餘幄

裏倍知奉倩之愁

見渭
仁序

粉牋奩間偏悉子荆之痛

見井
叔序

吟纏楚些

宋玉
招魂

響託秦箏

見子
厚序

詎曰臨風以慟祇關長

史多愁

見滕
王賦

亦云載筆而書莫聲桓釐至行云爾

見李
母序

辭曰鄙人逋峭

見掌亭誄

瑟居甚歡

見楚鴻序

惟偕給事馥郁椒

蘭

見掌亭誄

激昂藝圃

上林賦游于六藝之圃

汎濫文瀾

見佳山序

笙必交

吹琴無隻彈勝業坊前

補註

樂遊原左

西京雜記漢宣帝樂遊廟一名樂遊

苑亦名樂遊原其地最高四望寬敞李詞樂遊原上清秋節註西安府南

每值春來穠花勝

火雨裛千枝晴開萬朵紫葭璘璘徧瓊葩璀璨隨君花下

以教以嬉君獨攀條悄焉不怡為言亡婦雅好惟斯靚

服凝粧擷而玩之房闥繽紛簾櫳葱蒨

見滕王賦

及其亡也

百花枯徧君語未終淚承於面時一穉子循於衣畔蘭

芽玉茁

見毛太母啟

冰膚雪肌

莊子藐姑射之山有神人焉凝肌若冰雪綽約若處子

君言亡者僅育此兒徒存末婢

晉中興書末婢謝琰小字琰字瑗度安少子開

率有大度尚留衮師

見看奕賦

如何奄忽能不漣洏

李陵詩仰視浮雲馳奄忽

互相踰易泣血漣洏王祭詩中心孔悼涕淚漣洏

宛宛恭人悃悃令德巾簞飄

颺音容髣髴

潘岳悼亡詩長簞竟空牀又髣髴覩爾容

屢易週星

禮星迴于天

頻

更臄魄

見璿機賦

腹痛之悲

見壽閭序

宛同新沒四載中間嗟余

越鄉每搗蕪製為人悼亡虞歌竟篋

見瑞木賦

挽唱聯箱

漢書

田橫死門下作歌詞有曰薤露何易晞于寶搜神記挽歌者喪家之樂執紼者相和之聲也續酉陽雜俎據左

傳齊公孫夏歌虞殞則
挽歌非始于田橫也

間一臨文心疑不祥詎意斯悲

我躬游及猶有餘波

見贈閣序

助君霑臆

杜詩人生有情淚霑臆

隴水

蒼茫

見實卷序

秦山笑兀

見歸田序

勒此哀辭眎茲鑱刻

顧夫人哀辭

維康熙某年某月某日合肥龔夫人顧氏卒於京邸嗚

呼哀哉夫人城圯天地為之無光

見劉太母序

少女風悲星

宿於焉失色

見徐母序

七襄機斷

見代友序

五嶽圖懸

見銀臺啟

家纏

寶婺

見葉母序

荀奉倩所以神傷

見渭仁序

念軫瑤妃王武子因

而泣下

見井叔序晉孫楚傳孫楚悼亡王武子賢之淒然增伉儷之重

某舊遣登龍

見九

日新聞別鶴

見琅霞序

素練一匹非稱誦德之賓總帳三重

見銅雀賦

或有步虛之佩

古樂府有步虛詞吳兢樂府解步虛道家所唱備言縹渺輕舉之美

異苑魏陳思王遊山忽聞空中有誦經聲清遠道亮解音者則而寫之作步虛聲

乃為辭曰哀

伊人之信淑盡時命之不猶

詩

恒第衣之奄逝

左傳葬敬羸用

葛第註引柩繩也又作婦人車旁蔽塵者

駕玉軸以周流朝晞髮於層城夕

捐玦於中洲

層城見孟太母啟少司命篇晞汝髮兮陽之阿又夕晞余身乎九陽離騷朝發軔于

蒼梧兮夕余至乎縣圃

發浩唱兮揚笙竽

吳都賦琴筑并奏笙竽俱

唱

練時日兮瞻靈修

見九日序離騷夫惟靈修之故也註靈神也修遠也喻君也

若

乃幼習椒蘭

見祖德賦

長親桑柘

見潘母啟

三條望族

見懔園賦

家居

鐵鳳街前

見園次序

四姓良家

見璿璣賦

名著濯龍門下

見壽徐序註

既守禮以稱詩亦歌風而肄雅孫莘之子裙飄琥珀之

盃左氏之兒纓拂珊瑚之架

補註

至若性多幽靜質本柔

嘉草稱蠲忿

見看奕賦

玉號辟邪

見藝圃序

四德秉姬姜之教三

從推尹姑之家

家語婦有四德德容言功婦有三從在家從父出嫁從夫夫死從子也尹姑載

詩

恒銘秋菊

見鞠存啟

鮮玩春花鏘璜琚而應節

詩

揆藻績

以披華

見璿璣賦

宛彼諸姑以及伯姊

詩

爭傳道韞之芬芳

見琴瑟序

競愛蘭英之清綺

見劉太母啟

訝織錦之既工羨揮毫

之絕美

見璿璣賦

賦成香茗

見昭華序

聲傳長樂之宮

見滕王賦漢武故事

建章長樂皆輦道相屬
懸棟飛閣不由徑路
仙潘妃傳帝為潘貴妃
起殿窓間畫神仙形

畫出天仙

見潘母啟玉臺新咏序寵聞長樂畫出天

名滿扶風之士

見渭仁序

爰有東都

才子

見天章序

西邸名卿

見壽徐序

三春迨吉百兩初迎

詩

斯時

也彈琴司馬已非憔悴之年

見納姬序

贈婦士龍即是風雲

之日

文選陸雲為顧彥先贈婦詩有曰悠悠君行邁煢煢妾獨止註乃代婦答誤為贈婦

陸子春

之姿制人士無雙

見韓倬啟

王右丞之詩歌門風第一

補註

於

是高柔愛婦

見閨秀序

王渾賢妻

見葉母序註

並駐馭娑之側

見銅

雀賦同居鄠杜之西

見鷹垂序

月騰窓而皎皎草映砌以萋萋

紅綬多情

見雪持序

銜來夜合

本草夜合草一名合歡一名合昏並見琴怨序

金丸

有意彈去羈雌

西京雜記韓嫣以金為彈丸一日失數十每出兒童隨之長安語曰苦飢寒逐

彈丸羈雌見孝威序

張敞退朝之餘黛眉親畫

見少楹序

潘岳入直之

暇纖手同攜

見滕王賦

況復地望高華班資赫奕袁司徒東

朝世德

見紫來序

領袖人倫

孫盛晉陽秋裴秀有風標十餘歲時人語曰後進領袖有裴秀

晉魏舒傳舒字陽元為鍾毓長史後拜司徒有威望時曰魏舒堂堂人之領袖張尚書西雒名

流交通賓客

見茹蕙序

實內助以相成乃相夫之必力招賢

館內勞五夜之機絲

漢儀中黃門持五夜顏氏家訓或問一夜五更何訓答曰漢魏以來

謂甲乙丙丁戊又謂五更機絲見劉太母序

食客堂前散兩宮之脂澤

列子膚色

脂澤晉書安帝九年左丞相張項監議瑯琊及湖熟界有皇后脂澤田四十頃叅詳以借貧人

女中班

固修十卷之漢書

見歸田序

閨裏馮驩免萬家之薛責

見茹蕙序

爰乃副珈婉婉

詩

綸翟輝煌

見徐母序

銅螭咽而未歇

見園次序

銀箭耿而猶長

見丁香賦

晝掩金屏聽王裴之諮議

見季青序

夜

雙絳蠟跋潘陸之文章

見圖次

誦威儀于栢府

見祖德賦

流姓

氏于板房

見徐母序

至或鮑宣言事偶觸龍鱗

見黃門序

竇武上

章暫辭鳳闕

後漢書竇武字游平扶風人也李膺杜密生黨事武上疏諫出之後謀誅中官曹節

等矯詔殺之按武女為皇后

又或唐蒙奉使遂到牂牁

見竹逸序

馬卿馳

驛遙投巴夔

見劉王孫啟

間斗帳之香寒

釋名小帳曰斗形如覆斗并見天石

序註蕭子範落花詩飛來入斗帳

亦蕙鑪之熏歇思雙笑而已遐含獨

悲而難洩生平離別如此而已其他形影靡不同焉洵

玉臺之可紀

見閨秀序

而錦瑟之堪傳

見天篆序

柰何璇閣摧紅

瓊閨悴綠戟門麗日纔彈獬豸之冠

見壽季序

瑤席凝塵遽

罷鳳凰之曲

見納姬序

日漫漫而多愁風蕭蕭而猶哭痛翡

翠之千箱怨臙脂之十斛嗟乎夫人夫子方榮蒙砧初

貴

見皇士序

珠袍冠長信之班

珠袍見銀臺啟長信見澹菴序

鈿車驟武安

之樂

鈿車見王母辭武安見歸田序

榮陽郡主擅南國之風華

補注

尉遲

夫人推北朝之聲勢

庾信集周儀同松滋公夫人尉遲氏墓誌銘云夫人洛陽人父太師

柱國

金碗印其餘芳

見琴怨序

鈿盒鐫其私誓

太真外傳貴妃沒後道士

公楊通幽以術引上皇至玉妃太真院玉妃取金釵鈿盒拆其半授方士方士復請當時一事不聞于他人者驗

于太上皇王妃曰昔天寶十載秋牽牛織女相見之夕密相誓心願世世為夫婦此獨君王知之耳嗟乎

夫人諸姨窈窕羣從神仙族連灞漣見子厚序宅列藍田見田

太翁啟小弟盤桃花之馬長兄飾柳葉之韉見琅霞序極繁華

於斯世宜安享於百年胡為乎壁存遺挂見井叔序琴留斷

絃初學記漢武命趙后彈琴絃忽斷后悲曰凶兆也帝以外國所進鸞血膠續之終日彈不斷后竟以太子

幼賜死後漢書蔡邕女年六歲邕夜彈琴絃絕琰曰一絃斷也邕以為偶中後故折一絃琰曰第四絃斷也

悵金蚕之永錮傷璧月之難全見滕王賦註魂斷悼亡之作

見渭仁序音淒永逝之篇見琴怨序聽回風之繞壑流悲曲以結

泉嗟乎泉途已宮鏡臺長隔

見葉母序註

紺唾黥而猶華

見琴

怨序玉魚涼而終熱

西京雜記大明宮宣政殿初就每夜見數騎遊往高宗敕巫祝劉明奴問

其由鬼云我楚王戊太子死葬于此因詔改葬鬼曰我死時天子歛我玉魚一雙今勿奪也及發掘玉魚宛然

貴妃外傳妃患肺熱含玉魚以活肺

淒涼思子之臺

漢紀武帝憐太子無辜作思子宮為歸來

望思之臺寂寞望夫之石

見海棠賦

黃腸給大內之錢

後漢梁竒傳賜黃腸

玉匣註黃腸榔名以柏木黃心為榔也

彤管紀昭陽之筆

爾雅癸曰昭陽

哀哉溘

浮雲而上征

離騷溘埃風余上征註溘猶奄也

馭溘氣以扶輪

屈原遠遊食六

氣而飲沆瀣兮張衡思玄賦食沆瀣以為糧註六氣中冬則飲沆瀣北方夜半氣也扶輪見得仲序叩帝

闢而陳詞

楚詞吾令帝閭開關兮甘泉賦
選巫咸兮叶帝閭并見銀臺序

異昭質之獲

申

離騷惟昭質
其猶未虧

驂宓妃於天衢

見庭表序

偕洛靈於雲津

見銅

雀賦

襲克堂之蓋蓋

見瑞木賦

羌日暮而愁人倚玉女之窓

扉

見貞女序

盼金母之蜺旌

見彭太翁啟

眷層思以顧慕

見瑞木賦

聊

述哀於斯文

陳檢討四六卷十九

欽定四庫全書

陳檢討四六卷二十

翰林院檢討陳維崧撰

祭文 跋

祭王敬哉先生文

地折幽燕峰顏恒霍

見賀周序

珠斗芒寒

見璿璣賦

蒼穹氣薄咸

陽之樹西靡

皇覽冢墓記東平王冢在東平傳言王思歸京師其冢上松柏皆西靡劉峻答劉詔

書東平之樹望咸陽而西靡

箕尾之星夜落

見藝圃序

百身莫贖悼神理

之芒然萬禩難追歎儀型之闕若

臨朝罷講

九重重以咨嗟設位盈衢百辟聞而震愕蓋賢良道喪固率

土之所同悲而師弟情深尤微忱之所獨覺聲因激楚

而不成管以哀傷而難握緬太夫子之遭逢歷古今而

烜爍恩榮則位極人臣名位則朝尊舊學一門宗伯先

後登八座之榮兩世巍階父子享同朝之樂入直則秩

宗司馬共聽待漏之鐘

宋紀元初置待漏院王禹偁作記

問寢而亞相

仙郎

金華子御史大夫謂之亞相仙郎見存菴序註

羣獻引年之爵

見佳山序箕裘

則笏以盈牀

見徐母序

璫簾則花皆並萼

詩

此雖備福命之

崇隆猶未殫史書之揚推乃其學術醇深文辭卓犖汪

汪千頃之波

漢書郭林宗曰黃叔度汪汪若千頃波澄之不清渇之不濁

矯矯半天

之鶴

見掌亭誄

論事而頡頏韓歐

宋紀韓琦歐陽修皆名臣

晰理而折衷

濂洛

見施公誄

詩歌則陶情寫臆歎三唐兩宋之非工

見瀛臺序

纂錄則摘奧搜奇哂夾漈貴與之未博

夾漈見王巖序宋書文學列傳

馬端臨字貴與宋亡隱居教授鄉里著有大學集傳多識錄文獻通考等書

綜衆說之異同

準百家之詳略寅清議禮

書

定郊壇袷禘之焜煌翰苑

陳書兼雅頌典謨之渾噩

見佳山序

載於金匱之編

見懔園賦註

副在石渠之閣

詳同年文

固猶未足罄其心傳抑豈遽以窮

其教鐸蓋躬行心得之際既言有物而行有恒至家庭

屋漏之間尤仰不愧而俯不忤冲襟而霽月光風粹質

則金精玉璞

宋書黃庭堅云周茂叔人品甚高胸次灑落如霽月光風晉書山濤為吏部王戎目

之為璞玉渾金人但知其寶莫能名其器

雖履功名之盛貴以彌溫即當耆

耄之齡老而逾恪愧賤子之菲葑

詩

荷名賢之繩削代

侍韋平之函丈久藉熏陶

見智修序

附窺洙泗之宮牆深蒙

被濯

見施公誄

廿年之口澤猶新

禮母沒而杯棬不能飲焉口澤之氣存焉耳

兩

世之師門如昨數疇昔之遊從景高山之岑峒

吳都賦石林之

岑峒按支道林所居山名岑峒

保傳而能全韋布之交久要而不負平

居之諾挂徐君墓劍

見實菴序

曾還大阮之金

大阮見祖德賦

報劉

峻遺書記返潮州之索

補註

不忘良友之成言足慰故人

之密託此皆親炙於覩記之頃竊嘆為至性之肫肫抑

即徧觀於載籍之林亦鮮此高風之嶽嶽

見祖德賦

惟仁者

壽自應優游不死之庭得聖之和奚須別訪長生之藥

方共祝夫岡陵

詩

遽上征於寥廓

鵬鳥賦 寥廓忽荒

何梁木之

傾摧

見毛太母啟

詎昊天之渺邈霜淒淒而入幃霧靄靄而

襲幙鵲啼而雪縞千峰猿嘯而風悲萬壑彼人之哭公者為師臣帝佐而悲纏而我之哭公者因世道人心而嘆作有蔬載寧有酤載酌聊一痛以陳辭冀神靈之來格

公祭同年陳子遜文

嗚呼痛哉伯牙逝而賞音亡

見園次序

惠施去而微言絕

淮南

子惠施死而莊寢說
言世莫可為語也

惟友道之在人實五倫之居一故

大易繫斷金之辭風人賡伐木之什存既喻馥郁於椒

蘭

見常亭誄

歿復况纏綿於膠漆

見素伯序

左桃羊角交情倍切

於死生

關中流寓志羊角哀與左伯桃聞楚王賢往歸之道經郢陽遇雪度不能俱生乃并衣與角哀

伯桃入樹死角哀至楚為上大夫王備卿禮葬伯桃角哀自殺以徇

蘇武李陵友誼更深

於離別

庾信趙國公序蘇武李陵生于離別之世

然覩陳根而輟哭

見映碧序

猶

獲引達人齊物之談

見琴怨序

邁宿草而彌悲

見映碧啟註

尚得

援太上忘情之說

見海棠賦

未有遊好方新歡娛永畢甫給

相如之札

見瀛臺序

便丁賦鵬之辰

賈誼傳誼在長沙三年有鵬飛入誼舍自恐壽

不得長故為賦以自廣

纔彈貢禹之冠

見黃門序

即會泣麟之日

見素伯序

是則罄安仁之誅筆

晉潘岳傳安仁辭藻絕麗尤善為哀誄之文

何能敘此

酸辛殫庾信之銘言

見園次序

未足形茲悽惻者矣慨資格

之困人緬賢豪而同嘆鸞何事而受箴

屈原懷沙賦鳳凰受箴雞雉翔

舞

相何為而遭繫

見佳山序

問天無買賦之金

見天篆序註

閱世

少翹才之館

見九日序

鬼憎赴洛之陸機

見祖德賦及紫玄序白帖二陸入洛

三張減價

客笑離家之王粲

見滕王賦楚詞去鄉離家兮來遠客庾信哀江南賦逢赴洛之

機雲見離
家之王祭
惟我

皇之盛德邁漢武與周宣既崇儒而重道聿籲俊以招

賢頓八絃而羅屈宋

馬融廣成頌然後舉天網頓八絃
曹植與楊修書顧八絃以掩之崔

實本論舉彌天之網羅海
內之雄屈宋見楚鴻序

設四科以召淵騫

論語

翡翠簾

垂殿上寫沉香之句

李白傳天寶中白供奉翰林禁中
初種木芍藥移植興慶池東沉香

亭會花開命白立進清平調三章
白承詔有云沉香亭北倚闌干

琉璃匣啟

見園次
序註

宮

人分織錦之箋

見紫
來序

縹緲龍樓詞賦則

午門

御覽焜煌鳳燭姓名則

乙夜親填時則紫禁啼鶯紅牆

語燕草纈青袍

見半蘭賦

柳飄金線

見萬柳啟

雲移雉尾

崔豹古今註殷

高宗以雉雉之微服章多用翟故有雉尾扇杜詩雲移雉尾開宮扇

詩成而兩省傳觀

見黃

門序註按漢丞相與御史大夫稱兩府

日映螭頭

見璿璣賦

賦就而

九重稱善千百國寶異響以畢臻五十人乃同時而

召見爰修天祿之書復拜大官之膳繫陳君之卓犖最要眇

以宜修

屈原九歌美要眇兮宜修註好貌

綺歲騰蛟於甬上

騰蛟見祖德賦甬上

見鄴園啟

弱齡繡虎於明州

見祖德賦寧波府志唐曰明州

船是孝廉

見祖德賦

才調則爭誇彩筆

見看奕賦

縣成仙令

見二齋序

勤勞則具在黃

流

詩

慶瑤瑛之既採慚瓦礫之俱收吾儕何幸獲偕君

子並轡銅街聯鑣金市

見滕王賦

正擬花磚

見吳太母啟

同繡芸

史

見澹菴序

何連茹之彙征

易

遽一枝之先萎依稀昔夕彷彿

同車火城正盛

詳祭梁田文

銀箭還賒

見璿璣賦

星輝輝而半

吐河耿耿以將斜曉風吹夫南內

見鴻客序

殘月暖夫東華

前輩戲語西湖風月不如東華軟紅香土註東華百官出入之門

趨朝待漏下直還家

音徽未沫笑語猶譁人今往矣非耶是耶

見皇士序

嗟乎蝶

化蒙莊

見藝圃序

鵲迷蜀棧

見孟太母啟

皓月難圓彩霞終散三

千里吳關越岫驛路偏長十二日金馬石渠流光甚短

金馬見園次序三輔故事石渠閣藏秘書漢宣帝令諸儒講五經劉更生亦校書于此兩都賦序內設金馬石

渠之槐宮之蟻陣空酣唐書淳于芬宅南有古槐常醉臥其下夢入大槐安國尚公主

守南柯及覺乃蟻穴按蟻陣見天椒殿之鶴書恨晚椒

章序淮南子魯陽公與韓酣戰見徐母序北山移文鶴書赴隴蕭子良古今篆隸書鶴頭書與偃波書俱詔版所用在漢謂之尺一彷彿鵲頭

故有其稱我聞天上亦有嬋娟見琴怨序離騷女嬃之嬋娟兮葛洪貴客見壽

閭序許邁仙班列仙傳晉許邁字叔玄時鮑靚隱迹邁往候探其至要辟穀服氣先娶吳郡孫宏女

為妻後為書謝遣之莫倚蛾眉輕為語言離騷衆女嫉入蓋竹山為地仙余之蛾眉兮

須馴龍性

見尤母誄

善與周旋保令名於璫笈

見吳太母啟

享遐

祉於珠田

見尤母誄

祇我同人哀悰難剖園內之茱萸徧挿

已少斯人

王維詩遙知兄弟登高處徧挿茱萸少一人

堦前之芍藥徒翻長

思我友

見紫玄序謝元暉直中書省詩紅藥當階翻

返雙流而合葬未審何

年

庾信步陸孤銘雙流返葬按水經註成都縣有二江雙流蜀都賦帶二江之雙流此借用

緣一慟

以脫驂定知誰某

檀弓孔子之衛遇舊館人之喪哭之哀使子貢脫驂而賻之

冀暫

駐夫靈旂

見掌亭誄

庶來歆夫絮酒

見觀槿序

祭仲衡先生文

丙申春暮余客西興

興志西陵渡在蕭山錢鏐忌陵字易名西興

翁訪吾翁

扁舟是乘畫溪槽搖銅峰屐登

湖州志長興縣有卷畫溪古木夾岸可十里許

武康縣有銅官山吳王濞採銅于此唐名武康山

二老風流觚飛爵騰

杜甫寄贊上人

詩與子成二老來往亦風流儀禮騰觚於賓註凡觴一升曰爵三升曰觚傳毅舞賦騰觚爵之斟酌兮曹植詩騰觚飛爵闌干吾翁見背是年夏月孤子流離狂奔吳越遇翁

武丘別翁倉猝漬血交頤含哀刺骨嗟嗟余弟十四稱

孤作贅睢陽

歸德府志漢曰睢陽

單衣路隅上鮮郗公疇憐淳于

揚雄蜀都賦若其漁弋郗公之徒左思蜀都賦王孫之屬郗公之倫註豪俠也史記滑稽傳淳于髡者齊之贅

壻也滑
舊多辨

卯翼惟公

左傳楚子西曰勝如卯余翼而長之註子木之子名勝

立其戶

樞自古而然俗疵文雅或與翁言彼陳生者癡王伯輿

見滕王賦世說王長史曰人言會稽王癡真癡

狂桓子野

見掌亭誄

慎勿與通暱生

者寡弟歸告兄嫉彼啁啾兄笑而言彼其何尤翁定知

人人言勿憂所恨於中關河阻修余到中原實維已酉

榮澤波飛成臯雪阻

見醴泉頌一統志戰國成臯古邑名本東虢國地又名虎牢漢成臯

縣屬河南郡今開封汜水縣有成臯阪古蹟

遂跼翁問

呂氏曰榮陽成臯自春秋來為天下重地

與翁握手跌宕詞場

見初明序

激揚文藪

漢谷永疏贊命之臣靡不激揚

宋

中四月名花盛開大者如杵

見子厚序

霞蒸絳堆翁曰觀乎

幸子能來繞燧人陵經關伯臺

輿志燧人氏陵在歸德府左傳昔高辛氏有二

子伯曰關伯季曰實沈不相能也帝遷關伯于商丘主辰故辰為商星歸德志城西南有關伯墓廟傍有臺

老輩誰與徐公健在

原註謂恭在

躡電追風君家叔岱吹竹

彈絲呼盧博簗

昌黎文代張籍書云未必不如聽吹竹彈絲敲金戛石也呼盧見梧月序博簗

見葉母序註

食酒衫污拘花帽戴

古樂府拘折楊柳枝較耕錄南方或謂折花曰拘花

元微之詩今朝誰是拘花人

聯旬浹夕喧脰譟呼余戲謂翁人言有

諸狂耶癡耶夫我何居翁曰非癡狂應不誣余舞蔗竿

見半史記滑稽傳淳于脫身而跳翁果知余仰天大笑髭見齊王仰天大

笑冠纓索絕桂醕重斟見九梨園再召唐紀玄宗選弟子三百人按曲于驪山繡

嶺下謂之梨園子弟花竹幽軒箏琶絕調余倚酒悲告翁倦遊擬

欲從翁卜其菟裘見季翁顧徐公叔岱是謀茂陵小婦

為余訪求見海棠嗟嗟聚散何常之有欲別翁歸悲難

出口餞我城東為余折柳見曜顧語陳生定能來否余

揖翁言翁乎莫愁人愛賢豪鷹貪臂鞬漢紀桓虞謂趙

鷹下鞬即中鮑昭詩昔勒曰良吏如良白日在天酸風射眸李賀詩東

眸余所遲來罰余酒籌泗水如油淮帆若箭慎子沙下龍門流駛

竹箭駟馬追之不及別翁半載夢中常見昨者南徐浪花雪濺睢

州使君輿志睢州屬歸德府召余文讌酒中語我翁竟仙遊余驟

而疑詎有此不嗣後弟書來自商丘見上發函伸紙涕泗

橫流翁之盛德淵騫曾史見施公誄翁之精明博聞強記禮

天祐善人豈宜有是反覆徬徨終無信理所可差慰家

有珍琅書鳳毛犀角見三巨闕干將越絕書歐冶子五劍曰純鉤湛盧豪

曹魚腸巨闕按司成榮戟令子文章翁無憾矣乘雲帝千將見園次序

鄉堯紀華封人曰去而上我所聞翁歿之前夜飲類公

仙乘彼白雲至于帝鄉

榮晉書劉公榮飲酒雜穢非類或譏之答曰勝公榮者

不可不與飲不如公榮者又不可不與飲是公榮輩

者又不可不與飲聲如興霸見梧歌板未收金缸猶瀉

故終日共飲而醉

月序

歌板

未收金缸猶瀉

揮手人間奄然而化蟻觀八極莊子田子方篇揮斤八極并見璿璣賦註驂

鸞太清見貞女序太真科三清之間各有正位聖登玉清真登上清仙登太清翁齊物化

我憶交情高山不作流水無聲嗚呼已矣盡此生平

祭同學董文友文

於戲我友去年今夜櫟園司農酌余館舍秋霖漚漚見

萬

柳街鼓礮琅

左思吳都賦拉攏雷琅韓愈詩乾坤擺雷琅

子已在焉儼然以

疋

史記趙武靈王廢太子章羣臣見故太子儼然也

廣陵宗生新安汪子與我

與君四人而已君時憊甚

公羊傳楚子反謂宋華元曰甚矣憊

覓几而憑

食一盞米酒不半升

見謝吳啟

余心忤焉

宋玉九辨心忤忤兮諒直

口與

心計念欲沮君俾無入試君悲久蹟誓奮文場余言中

茹囁嚅自傷

盤谷序口將言而囁嚅

戰罷而歸江颿若箭

見仲衡序

東

舫西船曠焉不面涼秋報罷匿影蓬根

見得仲序

日薄虞淵

見吳太母啟尚秀思舊賦于時日薄虞淵寒水淒然

子訃在門嗚呼天耶痛纏心

髓重趼狂奔

國策公輸般為楚設機械攻宋墨子百舍重繭往見般以却之淮南子申包胥累繭

重眠至

哭君百里嗚呼我友交君廿年詞場跳盪

見藝圃序

秦庭

文讌流連得草而呼聞音而喜

莊子夫逃虛空者聞人足音跼然而喜

生

我者親相知惟子子之文學蛟龍蜺螭

周禮九章虎蜺為首註似獼猴

而大黃色螭

劇休胃腸

桓譚新論揚雄作甘泉賦始成夢腸出收而內之明日遂卒金

見璿璣賦

樓子揚雄作賦有夢腸之談曹植為文有反胃之論潛確類書王仁裕刺腸為文

放為瑋詞抉

電鞭霆山移壑飛岫嶠岐陽鐫之剔之

岫嶠見竹逸序岐陽見梧月序

子之績學博聞強誦纖窮螭翼細穿針孔夾漈後先貴

與伯仲

見敬哉文

射覆發矇應弦而中

漢東方朔傳上嘗使諸家射覆置守宮孟

下射之註于覆器之下置諸物令暗射之按方朔與郭舍人射覆知龜楚檣机楚庭有神白猿射莫能中養由基射之未發猿擁柱而號既發應弦而下子之行誼忠信楷模砥行潔身皜

然不污

見貞女序

鼓鞞元氣

補註

笙簧典謨

見素伯序

英英哲人煌

煌大儒其或少時倬直自遂

離騷鯨鯢倬直以亡身兮

意所齟齬

九辨

圓鑿而方枘兮知其齟齬而難入

唾猶泥滓

見掌亭誄

壯而折節刮磨淬礪

人或不知畏其鋒銳君少為文詭麗萬方中年聞道筆

陳堂堂

孫武子無擊堂堂之陣

刊落鉛華

見茹蕙序

一歸老蒼而彼小

儒沸猶蜩蟬

詩如蜩如蟬如沸如羹

疇昔之言記其八九君曾語

我人生何有誰為後死託之不朽誰知君碣遽落吾手

杜詩不意青草湖扁舟落吾手

一語更悲曾顧余云昔賢名集迪功舍

人徐昌穀集序昌穀明神宗時人負才善屬文不得志位甚卑僅為迪功郎因名其詩為迪功集行于世

最可懼者百年奄忽

見王母詞

呼之茂才

見雪持序

以當官閥

見壽

季序

何知今日果識斯言方千羅隱萬古同冤

唐書方千字雄

飛桐廬人羅隱字昭諫錢塘人貌俱寢陋工于詩不第先化中韋莊奏才人不遇者如李賀陸龜蒙羅隱羅鄴方千賈島溫庭筠劉德仁十餘人請追賜及第以慰地下一作宰臣張文蔚所請而我識君飄

飄雲氣

見浙西
詞序

百軸龍文扛之入地

見佳
山序

燈闌淚盡濺

雨驚沙百靈惶惑萬感槎枒

見觀
槎序

空庭無人明河欲斜

我之哭君醒耶夢耶倘余未死息壤在彼

見季
青序

傳君遺

文誨君幼子苟或不然臣力竭矣柱絕絃摧

見鷹
垂序

報君

僅此

公祭梁老師母吳夫人文

嗚呼哀哉竹殞湘江

見愴
園賦

蓮凋華井

見鞠
存啟

簫愴羸樓

見
藝

圖序 笙悽緱嶺

見滕
王賦

麝粉千堆

見紫
來序

兔華萬頃

見謝
柯啟

天上

春沈人間夜冷維予夫子名在旂常

見鄴園啟

家傳鴻案

見貞

女序

國賁龍章同牢尹姑佐饋姬姜

詩

絃調燥濕琯叶陰

陽萬樹梅開六街燈罷我儕小子羣遊輦下並屬提攜

俱蒙獎借問字花朝

見昭華序

執經雪夜

紀善錄游定夫楊子立初見伊川伊

川瞑目而二子侍立既覺顧謂曰爾輩尚在

此乎今既晚且休矣乃出門門外雪深三尺彩毫掞賦

見看奕賦

錦瑟填詞

見天篆序

公與生徒朝斯夕斯值公屢日端

居不怡微聞德曜

見劉太母序

沉疴中之我黨私憂時還竊

擬天相夫人勿藥定喜

易

何圖惡耗

見尤母誅

遽入於耳未

遇金膏

見鞠存啟

難逢石髓

見半繭賦

夫人閨閱

見皇士序

實冠三河

一門畫戟

見閨秀序

七葉瑤珂

見祖德賦及半繭賦

眉分恒嶽

眉分見閨秀序

恒嶽見銀臺啟

錦濯滹沱

錦濯見園次序滹沱見田太翁啟

香奩咏絮

見琴瑟序

歲牽蘿

見昭華序

鳴雁相呼

詩

彩鸞旋嫁

見懽園賦註

歸我尚書

茜袍珠帕

見懽園賦

四姓門楣

見璿璣賦

二姚姻婭

左傳伍員曰昔少康逃奔

有虞妻之以二姚杜註姚虞姓虞君妻以二女也離騷留有虞之二姚

法酒杯傾宮香扇

惹尚書昔載暫臥棠村潭園雨歇蕉屋烟渾看花北郭

命酒西園

見尺牘序

夫人克相嫵婉琴尊

詩

海國珠洋

見徐母序

渦漩雪吼

爾雅渦辨回川註旋流也劉禹錫詩八月濤聲吼地來卷起沙堆似雪堆

爰

敕尚書樓船疾走手拳蛟龍

見舜民序

口銜星斗

後漢書劉陶訟朱穆

寬曰中官手握

夫人在家摒擋箕帚

摒擋見庭表序箕帚見王母銘

枕

王爵口銜天憲

柳葉黑荔子枝鮮

見玉巖序

鏡歌返旆

見鄴園啟

花鳥歸船亞相

還朝

見敬哉文

夫人從焉象服翟衣

詩

犀翹爵鈿滿院銅琶

見萼巷

一簾樺燭

國史補宋朝京師每正旦曉漏以前宮相使執金盤皆以樺燭百具照之

號火城

註以樺木皮卷之為燭或裹松脂

下直餘閒闔門休沐

見雪持序

粉點鷓

鷓

補註

硯斑鸚鵡

歐陽修研譜端谿子石以注水不耗為佳有鸚鵡眼為貴俗以子石為紫石

竹脆絲清茗香釀熟桓妻偕老

見壽閨序

鮑女雙仙

見葉母序

花

名並蒂

見懽園賦

鶴必千年

見良輔序

何期玉白便上瑤天

列仙傳裴

航過藍橋渴老姬令雲英以漿水飲之航得玉杵曰與姬後遂娶雲英

鸞難膠續

見顧哀辭禽經

鸞血作膠可以續弓弩琴之弦

桂以香煎

莊子人間世楚狂接輿曰山木自寇也膏火自煎也桂可

食故伐之漆可用故割之

嗚呼夫人蘭摧玉毀

見翼王序

嘆昔文人亦多

如是延壽靈光賦成蚤世

見滕王賦

豪氣三千弱齡廿四名

閨韶齒雖與同殤然而遭遇獨擅幃房夫人八座

見韓倬啟

命婦頭行

見李母啟

榮封一品綵舞諸郎

見懽園賦

長信宮中

見懽

菴日華門左宮闕志曰華門在左面藥口脂官儀臘月宣賜口脂

面藥所以盛之者翠管銀釵梁翠朶賜出彤樓捧歸青

罌杜詩口脂面藥隨恩澤

鎖見懽園賦似此殊恩仙遊亦可況徵蘭夢見三蚤茁茁哥

原註梁蒼巖先生夢人貽宋繡松下犀錢繡祿坡公集

茁五茁是歲生第五郎因名茁哥有賀人

生子詞云犀錢玉果蠟鳳銀鵝蠟鳳見雪持序王建芳

利市平分霑四座詩金鳳銀鵝各一叢

華不沫金石誰磨名分月姊位列星娥見懽園賦所未忘悲

師門誼在坤範空存母儀不再慈幄消紅見少楹序註松門

掩黛敬笔芳蓀爾雅笔箠也郭璞曰拔取菜也楚詞蓀

橈兮蘭旌上林賦歲橙若蓀註蓀香草

也
公陳哀誄

祭徐母顧太夫人文

嗚乎哀哉天姥峰傾

見徐母壽序

皇媯石徙

見懽園賦

少女風微

見徐母壽序

夫人城圯

見劉太母序

鵲有血而都紅

見孝威序

竹無班

而不紫

見懽園賦

春凋翠水之桃

下註

夜落丹丘之李

真人王褒內傳

五雲丹山上有玄雲李食之得仙

盆翻玉女

見劉太母序

千尋之箭筈何存

華山記箭筈峰上有穴纔見天攀緣自穴中而上

井竭鮑姑

見徐母序

百丈之轆轤

長已

見靈岩碑註名義考轆轤井上圓轉木收綆者李涉詩深院梧桐夾金井上有轆轤青絲索

五

嶽則羣真失位

見銀臺啟

馳吊夸娥

見徐母壽序

三湘之衆水驚

流

見看奕賦

騰悲嬬姊

見雪持序

於是荀龍標躡薛鳳摧傷

見逸齋序

詩寤躡有標

淚浮碧落

見觀桂序紀開談唐陽冰見有碑篆十餘字愛其中碧落二字謂之碧落

碑

哭撼瑤閭

見靈巖碑

白馬溢延秋之里

魏都賦西闕延秋東啟長春註俱端

門外

素車填通德之坊

見祖德賦

日邊則翟第魚軒

見葉母序

髻而

致祭

見貞女序

天上則朱牆碧翠

見瑞木賦

賻以行喪

見壽徐序

七日

歌虞

見瑞木賦

文士鏗鏘之製千秋誄德

玉臺新咏序非無誄德之詞

元

公焜耀之章然而頌美終賒揚徽易贖賦羸芊者

見翼王序

僅許其門第之華誇尹姑者

詩

祇數其遭逢之盛雖復

穹碑槩日高蟠鼯屬之文

見萬柳啟註左思吳都賦巨靈鼯屬註大龜蟠蟠之屬好

負重今石碑

縱令健筆凌雲

杜詩健筆凌鸚鵡凌雲見浙西詞序

麗燦蛟

龜趺象其形

龍之詠難形寸草之心莫罄慈萱之行

見懽園賦

惟太母之

令善在代匱而彌彰

見潘母啟

伊蚤齡之處約覘裕後之方

將若乃時甫遭屯家方多難鳳既摧頽離猶爛熳歲無

春而匪秋時有宵而曷旦鬼謀孟母之鄰

見葉母序

人笑梁

家之案

見貞女序

時則授經膝下課史牀前何妨雌伏不受

夔憐

世說後漢趙溫字子柔為京兆郡丞嘆曰丈夫當雄飛安能雌伏遂棄官去莊子秋水篇夔憐蛇蛇

憐蛇蛇憐風風憐目目憐心山海經夔無角一足而行蛇百足蟲註以一足憐百足也

豈有神方

隨羿妃而入月

見琴瑟序

非無微志效漆室以憂天

漆室見觀槿序

列子杞國有人憂天地崩墜者因往曉之曰天積氣耳柰何憂崩墜乎

是以金方處礦

杜詩

金璞無留礦

珠已潛淵

莊子天地篇藏金于山藏珠于淵

荻既書殘

見劉太母序

化作行行玉樹

見祖德賦註

薦經剝盡

見徐母序

變成院院金蓮

唐紀令狐綯字子直吳興刺史白敏中薦之綯承旨夜對禁中上命以金蓮炬送歸累官同平章

訝天

心之竟爾稔人事之宜然抑太母之艱貞在履亨而不

忒緬盛德之持盈詎殊榮之偶獲至乃錢皆萬選

唐書張鷟

字文成號青錢萬選以文章瑞朝廷為學士

夢必連枝

見懽園賦

陋競爽之郊祁

參三駕兩哂齊馳之軾轍蓮耦為奇

見徐母序

再續元燈掇

名省之巍科羣推快偕

見徐母序

三喧臚唱奪曲江之上第

定屬佳兒

唐書貞元中羅玠及第開宴曲江池後遂為故事相如賦臨曲江之隍洲註在杜陵西漢

武帝造

斯時也看銅街之對舞宮袍即達者將母色喜見

繡陌之交縈綵仗縱高人未免情移而太夫人則談笑

無驚神明自若熏成蓮座飯晚唄以生香

見靈岩碑

織得花

機逐春梭而不落

庾信謝賁白羅啟鳳不去而恒飛花雖寒而不落

貴能思儉

鰈雖旨而常封

見李母序

安不忘勞綿自溫而每却

南北史朱百年

貧傷母逝後甘飢寒嘗就宿友人覆以綿康醒曰綿定奇溫卒却之

一座盡貞觀將相屏

間識彼豪英

唐書列女傳王珪微時母盧氏嘗云子必貴但未見汝與遊者珪一日引房玄齡杜

如晦過之母曰汝貴無疑

半堂皆濂洛生徒

見施公誄

帳後資其酬酢

見劉

太母

勿以吾為致念

見潘母啟

房杜何人

唐房杜相謨房梁公玄齡字喬臨淄

人杜蔡公如晦字克明杜陵人後俱為相

誰言善不可為富歐宜學

唐名臣紀有富

彌歐陽修

是則白麟遜瑞

見禮泉頌

赤雁非禎

見梧月序

既嘉祥之游

集將純嘏其駢臻何圖日在禺中

淮南子曰臻于衡陽是謂禺中對于昆吾

是謂

正中遽返瑤池之駕

見孟太母啟

陽生嶰谷

律歷志黃帝使伶倫取竹于嶰

谷

遄為元圃之征

見任邱啟

閭里鮮春人之相

見懽園賦

街衢多

夜哭之聲

禮

嗟乎禮備榮哀

論語

名標圖畫

見王母辭

知神理

之彌新

世說戴公見林法師墓曰德音未遠而拱木已積冀神理綿綿不與氣運俱盡耳

寧有

生之怛化

見施公誄

然而某等纏悲奚極雀未酬恩

見素伯序

蛇

難報德

見鷹垂序

洛陽金盡

蘇秦傳黃金百鎰盡

恒分壽母之釵鐙

見徐

母序

范叔袍寒

見代友啟

屢費太君之刀尺

張衡賦秉刀持尺郭泰機詩衣工秉

刀尺感實切於生平遇難忘夫疇昔今年春少桑枯滿路

之花

商書太戊時五日而祥桑枯死

昨歲寒多雪縞千山之色藉椒醕

之清芬

見九日序

佇靈旗於彷彿

見掌亭誄

附注

西王母傳王母所居左帶瑤池

右環

翠水

益都馮相國壽詩跋

粵以徒維敦牂之歲

天皇紀天皇氏制十千十二支之名十千內已名屠維十二支內午

為敦牂

月在元枵

左傳梓慎曰宋鄭其飢乎歲在星紀而淫于玄枵註玄枵在虛危之次潘

此疑誤 岳西征賦歲次

日纏北陸

見澹菴序

益都馮夫子

青州志益都縣漢武

封淄川王子胡
為益都侯故名

以三台之上佐

見賀序

躋七袞之遐齡時

則縹纓飛組之士羣集國門

見九日序

懷蛟夢鳥之賓咸依

闕下

懷蛟見祖德賦
夢鳥見璿璣賦

莫不藉鉛槧以攄忱

見尺牘序

託箋繒

而寫志霞蒸綺爛筆欲摩天

見天章序註

玉戛金舂聲俱擲

地

見鷹垂序

其門下士陳玉璫彙而獻之奔以一函

見尺牘序註

區為四頁作者凡若干人計詩凡若干首緇並朱繩

見玉

巖序裝俱玉軸

見三芝序

琉璃滿篋

見園次序

還熏豈蔻之香

見海索賦

苗苗盈箱仍襲葡萄之錦

見三芝序

傳之輦下播在藝林亦

曰盛哉猗歟偉矣在昔槐廳重相

夢溪筆談學士院第三廳閣子當前有一

巨槐素號槐廳舊傳居此間多至入相

鶴禁元僚

見澹菴序

西京則爵埒蕭曹

見壽徐序註

北宋則名齊韓富

韓富三相謨韓忠獻公琦字推圭相州人富文忠公弼字

彥國河南人慶歷中軍中稱韓范治平中相業稱韓富云

當其齒屆期頤年踰艾耄

禮

兩宮祝哽

禮

賜几杖以入朝

卓茂傳光武詔以茂為太傅賜几杖車馬後漢

書包咸字子良光武時入授太子論語每進見錫以几杖按李充字太遜延平中徵為博士後年八十以為國

三老賜以几杖

五等稱觥班臣鄰而陪位

周禮

清文燦爛樂奏三

終麗製鏗鏘音調六佾

樂記

九如頌嘏

詩

無非殿上之金

張

見滕王賦

五福陳疇

書

大抵天家之岐薛

唐紀睿宗景龍三年岐王隆範

為左衛率羽林大將軍薛王隆業為右衛率薛逢詩雲外笙歌岐薛醉

至於援据吉祥鋪

張官閥

見壽季序註

彭義斟雉未必皆真

天問彭鏗斟雉帝何享壽命永多夫

何長註彭祖好和滋味進雉羹于帝帝饗之而錫以壽考至八百歲

玉女投驍何常盡實

見昭華序

頌揚典故不過六朝綺麗之詞役使虛無要皆五

利浮夸之術

漢武紀樂大言仙人可致拜五利將軍尚公主

登西洛王侯之第

便言碧柰成林

見彭太翁啟

過東都將相之家遂說青毛降

節

見任邱啟

差無事蹟略助談諧雖昔說之所曾聞亦達士

之所不尚今我公之初度也芝蘭異氣盡欲揚芬笙磬

殊音咸思發響三明七穆既歌風緝雅而來見園一介次序

單門亦躡屩擔簦而至見季甚者齊秦烈士汾晉畸人壽序

夙標耿介不隨魏勃為掃門見壽素秉幽貞并乏禰衡徐序

之滅刺見園亦復踴躍歸仁激昂慕義欣逢降嶽詩操

敝帚而思前見園幸值懸弧見壽踵高蹯而恐後見玉

孤竹二君亦頌大年於釣渭見孟太商芝四叟見映還

歌眉壽於封留漢紀高祖欲易太子張良請溯龍編鳥

四皓以為客按良封留侯

篆而後

龍編見半繭賦
鳥篆見銀臺啟

固曠百世以難儔暨崦嵫濛汜

之鄉

天問出于暘谷次于蒙汜淮南子曰入崦嵫經細柳入虞泉之汜曙于蒙谷之浦垂景在樹端謂之

桑榆亦渺八紘而僅見

見璿璣賦

若乃時有指歸文多倫脊

詩

堦前獻賦感萬間庇士之殷懷

杜詩安得廣厦千萬間
大庇天下寒士俱慍顏

筵上歌詩述三握求賢之至意

史記周公世家周公戒伯禽曰我一沐三握髮

一飯三吐哺
起以待士

挽其在位願黃扉紫禁以長歡

見佳山序

請必

無歸縱碧水丹山而奚慕

見銀臺啟

賡颺莫罄更及於丈人

屋上之烏

六韜武王登夏臺以臨殷民周公旦曰
愛其人及屋上烏憎其人憎其儲胥

愛戴

何窮兼詠夫劉尹當年之樹

見健松記

不學青牛關上謹侈

諛詞

見天篆序

非如朱鳥牕前徒誇撫說

見三芝序

崧以菲才獲

承盛事鐘鳴谷應

見詩選啟

知感召所從來草偃風行

論語識

吟謠之有自恭題數語敢為衆作之前驅敬附一言用

託羣公之末簡然而遊畫錦之堂

見逸齋序

琳瑯觸目

九歌瑤璠

鳴兮琳瑯世說有人詰王太尉遇安豐大將軍丞相在座往別屋見季脩平子還語人曰今日之行觸目皆見

琳瑯珠玉

赴耆英之社

見映碧啟

卷軸連雲

見懸圃序

長箋短幅收之

此帙而還贏妙染高文概以斯編而未備人思借錄如

披河間之碑

晉書張衡為河間相四年卒崔瑗為作碑文按張衡相河間有前後碑庾信馬射賦

階無玉壁既異河間之碑

客盡傳觀似玩秦庭之壁

見貞女序

儻緘篋底

壺魚食此而長生

雜錄壁魚入經函中食神仙字則身有五色人吞之可致神仙

設在

船中蛟龍守之而不去

見玉巖序

跋余淡心所藏詩卷

此端毅公乙巳長安所贈廣霞先生詩冊也公也百僚

模楷

見祖德賦

四海君宗

詩

猥於烏帽之儔

補註

彌結青松之

契

見賀徐序

縱天長海濶而魚訊恒通

見尺牘序

值肉奮絲飛

見觀

序禮

而鸞吟間作

見琴瑟序

文無加點筆不能休

見少楹序註

每當

三爵之油油

禮

便覺萬言之纚纚

見黃門序

發狂言而驚座

見樂府序陳遵傳時列侯有與遵同姓字者每至門座中震動號曰陳驚座書斷陳遵每一書一座皆驚杜牧

詩忽發狂言驚四座

盡訝神來

見藝圃序

押硬句以盤空

見佳山序

何愁腕

脫

見藝圃序

此則當時驛裏

見檐園賦

未獲擬其彫華文舉筵前

見九日序

無以方斯敏妙者也僕在京華亦霑歡讌西堂剪

燭

溫州府志府內有西堂即謝靈運思詩夢弟惠連得池塘生春草之句處宋玉九辨蟋蟀鳴此西堂

頗

多知己之言

見尺牘序

北渚揚舲

北渚見藝圃序揚舲見半齋賦

大有消魂

之賦

見無泰序

情深積劫感歷窮塵

見琴瑟序

曾昔夢之幾何竟

哲人之不作流連烟月惻愴關河何意先生視余斯卷

嗟乎賈逵碑上字字生金

王隱晉書永嘉初陳國項縣賈逵石碑之中生金人鑿取

賈賣已復生此江東之瑞按輿志繁昌縣按石碑亦生金表送上

庾信集中篇篇是玉

補註敬告典籤幸加藏弃

見尺牘序

勿使蛛縈蠹蝕負荆軻一

片之心

見智修序李賀咏劍詩直是荆軻一片心

就令紙敝墨渝

見樂府補序

存

鮑叔千秋之誼

見園次序

陳檢討四六卷二十